

文苑英華

第六十五册











卷之六十一



...

苑英華卷第六百三十一

謝恩四



壽昌節謝酒食狀一首



嘉會節宰相謝酒食狀一首

中和節謝賜尺狀一首 清明謝賜火狀一首

為人端午謝賜物等狀四首

社日謝賜羊酒海味及茶等狀一首

重九謝賜餠酒等狀一首

臘日謝賜物狀一首

壽昌節謝酒食

集作茶酒狀 宣宗生日

杜牧

右臣某等言伏以大慶吉辰榮霽錫宴鴻恩繼至王人

臨旨酒名肴集作茶玉食仙果來於御府莫匪天慈適口忘

憂已滿小人之腹殺身粉骨難酬聖主之恩臣無任感恩

抃躍之至

嘉會節宰相謝酒食狀昭宗生日

錢珣

右伏以香火至誠祝後天於萬歲絃匏飾喜會率土於三

春敢望宸衷恩隆輔弼王人遞一作降寵錫爰加酒醞既

陳炮燔無至名茶馥郁嘉果駢羅寧珍而食指先驚敢忘

盈滿竊位而憂心已醉寧待獻酬仰望睿慈臣某等無任

兢感懼抃屏營之至

中和節謝賜尺狀

白居易

右今日奉宣賜臣等前件紅牙銀寸尺各一者伏以中和



戒集作

節慶賜申恩堂晝夜平分之時頒度董合同之令

况以紅牙為尺白金

集作銀

為寸美而有度煥以相宣逮下

明忖度之心為上表裁成之德慶澤所及歡心畢同臣等

塵忝日深寵錫歲至雖恩光下濟咫尺之顏不違而尸素

內慙分寸之功未効捧受愧畏倍萬恒情謹具奏聞謹奏

清明謝賜火狀

前人

右今日高品官唐國珍就宅宣旨賜臣新火者伏以節遇

藏煙時當改火助和氣以發滯表皇明而燭幽臣願以賤

微荷茲榮耀就賜而照臨第宅聚觀而光動里閭降實自

天非因榆柳之燧仰之如日空傾葵藿之心徒奉恩輝豈

勝欣戴

爲人謝端午賜物等狀

令狐楚

右中使王進卿至伏奉詔書慰問

臣

兼宣恩旨賜臣及諸

將衣弁百索銀器等者臣伏以夏之爲仁寔由乎長養玉

者所寶莫重於賢能故事將錫長年皆於今月因頒瓊翫

遐及庶方誠上帝之殊私信天朝之盛典臣才無所取政

不足稱獲守司存已爲尸忝豈意九天之慶賜每歲必來

五日之祥期

一作  
祺祥

無年不受衣裳霧疊詔書雲縠篋中盈

綵絲之索案上滿真金之器方圓通用紅紫交光命輕而

服拜難勝身賤而鋪塵不藉以榮爲懼當喜而憂終無補

於成功空有慙於僭賞並准勅奉受兼分給諸將訖所守

有限不獲陳謝

爲安平公謝端午賜物狀

李商隱

若今月某日中使某至奉宣恩旨賜臣手詔一通兼前件  
端午紫衣銀器百索并大將衣者乾文昭融睿賜稠疊恩  
生望外榮積懼中臣已當時宣布給散訖伏以正陽令月  
端午佳辰溼澤合止於勲賢錫賚宜先於戚屬臣遠臨東  
魯久去上京豈望仁時同躋壽域八行明詔伏讀而不啻  
千鈞一襲輕衣跪捧而若無三伏况又綵縷出仙蠶之繅  
貞金凝姪女之魂持可戒盈帶堪延筭豈微臣獨忝在列  
校不遺華楚成行永願千春而奉聖綿長共保常期五日  
以霑恩臣與大將等無任感激懇悃之至

爲滎陽公端午謝賜物狀

前人

右中使某至奉宣恩旨賜臣端午紫衣一副百索一軸銀  
器二事大將衣三副并賜臣手詔一通者伏以五神定位  
祝融司長養之功六律鈞和蕤賓有酌酢之義故節推戴

禮日著漢儀彼艾人遠具於歲時角黍近標於風土乃耆

舊傳聞之末亦集作是君親慶賜之原伏惟皇帝陛下克協

樂章允符時訓恩集作仁霑近戚惠浹元僚臣守介蠻圻程

遙鳳闕敢希瘴嶠特降乾文輕縞染衣真金備器海綃掩

麗渠盤藏珍拜受若驚跪捧如失嘗衣國僑之紵被服多

慙久携顏氏之瓢捧持未慣當晝而不假交扇向日而唯

宜飲冰况又將以綵絲縈諸畫軸用襍故烝蕙續收齡爰

自微臣頗流諸校鞠躬被罷全踰錫帶之榮覩物傳輝實

勳績纓之思唯當仰承帝力粗舉藩條誓相率於明時庶  
同登於壽域臣與大將等無任望闕感恩抃舞屏營之至  
謝賜端午衣物狀

張次宗

右伏以中暑良時沐蘭令節王人乘驛初降於九霄內府  
頒衣遽霑於千里臣忝膺寄任未展滄埃節候每移尸曠  
增懼陛下殊私荐及寵賜不忘天書觀經緯之文麗服見  
裁縫之妙捧其珍玩價重於兼金賜以綵絲恩深於延筭  
况罷周將校問及偏裨爭馳就日之誠益勵酌恩之節

杜日謝賜羊酒海味及茶等狀

常袞

右中使某至伏蒙聖慈賜前件羊酒等臣謬塵重任已積  
歲時日有餐錢月受高俸過蒙溫飲常愧有餘內省謀猷

實慙不足益彰尸忝深誠滿盈屬上戊御辰勞農報社賜  
兼海陸品極珍鮮上減御殮一作下豐私室何功而受承  
寵若驚惶恐拜恩戰懼交集無任戴荷欣抃之至

重九謝賜醪酒等狀

前人

右中使劉君壽等至伏奉恩命賜臣前件醪酒等仍令樂  
飲者伏以玄月戒時清風應律宜於長久欣聖祚之壽昌  
復見芳華喜陽數之重合時恩忽降節賜荐加王人寵臨  
御膳分旨膏以粉餌蒸以饴餈綠芋金茅紫蔗筠節茱萸  
清酒嘗聞舊俗之傳蕙苾調腸今覩靈琬之味此饗人苑  
更上獻嘉辰豈伊凡品微生下霑殊貺賜宴既聯於伯仲  
覃恩更及於室家稠疊寵光低迴殞越一門同慶萬死何

詩

臘日謝賜口脂曆日狀

鄭綱

伏以王人戾止天書遠降於閩川星躔既回冀曆猥頒於  
 遐服推步允符於聖祚先天克合於歲功三百六旬斯頌  
 而成觀二十四氣瞬息而可知一作又賜以蘭膏錫之絳  
 雪象香流澤芳潤忽光於悴容五藥蠲痾瘴藹潛銷於腴  
 理仰榮知忝承寵益驚閭闔九門歲時結戀於雙闕方隅  
 萬里展効期激於丹誠敷惠未洽於遠人拜賜濫同於重  
 鎮觀風察俗志有立於消塵比物省躬恩何酌於覆載臣  
 某不勝歡躍屏營之至

為昭義李相公謝賜臘日口脂狀  
 崔行先

右中使某至伏奉勅書墨詔緣大禮後慰問臣及將士官  
吏等又緣近臘日便賜臣前件藥物臣謬履鈞衡守茲戎  
鎮星霜屢改溼澤逾深內悚外慙不知所措文明啓運殷  
荐告成郊廟展嚴禋之儀蒸黎洽時雍之化大宥五刑之  
典廣霑萬物之恩自天有慶與人更始臣名器俱忝宸睴  
曲臨節近嘉平恩延寵錫香膏凝潤於寶器上藥秘重於  
仙方澤變衰顏不知老之將至光生儻質空驚疾乃有瘳  
祇奉舊章式披新曆想天長而地久看日往而月來無任  
云

云

臘日謝賜口脂紅雪等狀

前人

右中使某至伏奉手詔慰問臣

臣

及將士等又緣臘日賜

臣



口臍紅雪并新曆日等伏以蜡節嘉辰裁於六籍皇恩隆  
浴賚及萬方金膏不秘於上清蘭澤遠傳於中禁加以玄  
霜絳雪素能愈病一作疾拆醒顏惟賤庸承此恩造隕越無  
地惶悚失圖縱知死所豈答玄造載頒新曆永傳億萬斯  
年欣奉明時獲辨七十二候無任云

爲王大夫謝恩賜口脂曆日狀前入

右中使某至伏奉手詔慰拊臣及將士等又賜臘日口脂

并新曆日等伏以清祀嘉名載於前典寶追歡之盛節亦  
和樂之良辰况天休光臨聖慈遐布顧臣賤陋竊奉明恩  
感戴周全不知所措蠲邪愈疾驗絳雪於仙方却老駐顏  
覩瓊膏於寶器式頒聖曆仰贊皇猷永爲四海之尊更續

千齡之壽臣不勝歡躍云

云

爲人謝賜日脂等并曆日狀  
令狐楚

右中使吳千金至伏奉勅書慰問臣并賜前件口脂臘脂

紅雪紫雪各一合并曆日一卷等者伏以歲將更始節及

嘉平陛下疑香爲膏聚藥成散頽日月於曆上奮龍鸞於

筆端星分九天之使雲布一日之澤此誠無私之殊造均

養之深仁而臣空抱愚忠曾無方畧一君藩鎮三度受恩

朱奩忽開鮮膩與芳馨相雜素編旣列閨餘將分至不差

披尋而齒筭延長塗傳而口容芳潤油雲之覆逾廣無以

勝任綿地之封粗安未爲報效捧受嘗翫形神渙然無任

感戴之至

謝賜臘日口脂紅雪紫雪曆日等狀

右中使董文萼至伏奉詔書慰問

臣

并宣恩旨賜臣前件

物等者臣伏以天書垂露御曆頒年靈膏有瓊液之容仙

散擬雪花之狀司天推步定分至於四時尚藥煎和辨君

臣於百品無不關於睿想發自宸衷下錫勲烈之臣猶無

一作獨

不過分幸霑庸微之質實所難勝况乏潤身之資欣蒙

苦口之利謹當奉揚節候下告于萬人宣播光輝旁誇於

九族殊私未答渥澤逾深夙夜寤興不任感戴

爲人謝賜男歲節料并口脂臘脂等狀

右

臣得男公敏狀稱伏奉恩旨賜歲節料麵兩石羊一腔

酒五斗口脂臘脂紅雪各一合者

臣

謬以庸虛叨塵

庸

一作

任使陛下前因蜡日已降使臣既霑澤口之膏又賜雪煩  
 之散一從捧受實未遑寧豈疲病小男復蒙寵賜一作酒  
 漿口腹充溢於盃盤藥餌脂膏馨香于懷袖雖君父用賞  
 延之義微細不遺而臣子非立功之人光輝斯極豈德澤  
 之私於一物俾恩波之重若三山夙夜寢興以榮為懼戎  
 守有限不獲陳謝無任感慶屏營之至

臘日謝賜口脂集作狀

白居易

右今日蒙賜臣前件口脂集作蠟及紅雪澡豆等仍以時寒

特加慰問者伏以時逢臘節候屬邗寒豈意聖慈不忘微

賤念嚴凝而加之煦嫗慮皸瘃而潤以脂膏嘉集作喜氣動

中歡容發外挾續之恩甫及集作所勉和則體舒不龜之澤既

歡容發外挾纈之恩甫及所施和則體舒不龜之澤

感而手舞臣等省躬懷此因物喻情豈止飲德營心

集作驚寵賜必擬澡身勵節即以答鴻私感躍之誠倍萬恒

叩謹具奏聞謹奏



卷之八

五



明器具表間詰表

卷第六百三十一

苑英華卷第六百三十二

狀五

謝恩五

謝出餞宴狀一首

謝賜設狀四首

謝賜宴狀二首

謝賜食狀三首

謝賜酒脯等狀一首

謝賜人糧馬料狀一首

謝賜米麵狀一首

謝賜大麥麵狀一首

謝賜鹿狀二首

謝賜魚狀一首

謝賜蟹狀一首

謝賜車螯蛤蜊等狀二首

謝賜苳子狀一首

謝賜苳蔗芋等狀一首

謝賜茶果狀一首

謝恩命遣高將軍出餞狀

李邕

右高力士奉宣口勅以臣臨政特令賜宴恭承惠渥伏念  
庸微天地周仁木石知感不勝惶悚戴荷之極臣死罪死  
罪臣歷觀自古君臣凡所際會或因緣黨進或收接功成  
故未謁而知不言而信豈有地孤援寡毀衆謗深察蒙蔽  
之中致昭曠之外逢陛下特達之遇當陛下明聖之朝事  
出常均恩重今昔臣誓將瀝血足可竭誠徒欲殺身豈能  
報德至如勵精勤政舉直徇公副陛下憂人之心行陛下  
弘道之化豈一作安敢失墜以負神明但函關路懸長安日  
遠不任戀主悽悽之至

謝賜設狀

白居易

右今日守謙奉宣聖旨以臣初入院特賜設者臣生長窮



賤才質孱微草野鄙夫風塵走吏豈期聖造擢在禁闈  
以天慈賜之豐食集作賜以御食臣所以陵兢受命俯伏荷恩心  
魂不寧手足無措况罇開九醞筵集作饌列八珍惠過加籩  
榮優置醴金壘引滿將皇澤而共深玉饌屬厭與聖德而  
俱飽終食且歎捫心自驚戰汗慙惶隕越于下謹奉狀陳  
謝以聞謹奏

謝賜設及疋帛狀

前人

右今日高品劉全節奉宣進止集作以臣等在院覆策畢

特加慰問并賜設及疋帛者臣等職在掌文詔令考策雖

竭鄙昧猶懼闕遺豈意皇鑒下臨聖慈曲至惠加賜食榮

及承筐寵厚縑緗仰難勝於玄貺恩深醉飽退有愧於素

飡徒積慙惶何酌慶賜無任感戴屏營之至

謝賜設狀

元稹

右今日某乙奉宣恩旨賜臣就院設者臣聞推食之賜用

勸勲勞置醴之恩以待賢彥微臣猥承天眷擢在內庭兩

露頻施涓埃莫効陛下載分美祿特降珍羞空懷滿腹之

慙未有沃心之鯁既充膚革誓竭肺肝竊位素飡實非誠

願微臣無任感激恩私之至

為中丞滎陽公赴桂州長樂驛謝勅設狀

李商隱

右今日某日中使某奉宣進止集作就長樂驛賜臣及將

更等設饌者將承闡集作寄尚忝朝恩絡繹八珍芬芳九

此自錄傳支龍尋齊金賜執戎之賣書惟無非皇道大

醜臣階緣薄伎塵辱脩塗楊執戟之讀書雖無非聖董太

中之對策何補清時忽委廉車乍離閨籍誠欣列土實耿

辭天然猶食指告祥朶願有慶爰於近驛武降貴臣酒自

堯罇饌分禹膳集作殷出下霑將校旁耀路岐况臣平生本實

孤賤懷書奉役久無黔突之謀入國展儀且慚殽蒸之禮

飽期滿腹醉更憂心終虞負乘之災無報雲天之施臣與

將吏等無任望闕感恩結戀屏營之至

九月九日謝恩賜曲江宴會狀 白居易

右今日伏奉進止集作旨賜臣等於曲江宴會特加宣慰并

賜酒脯等者伏以重陽令節大有豐年錫宴於無事之朝

追歡於最勝之地况天厨酒脯御府管絃寵賜忽降於案

中慶幸實生於望外仍加慰諭曲被輝華臣等各以凡才  
同叅密職幸遇休明之日多承飲賜之恩樂感形骸歡容  
動而成舞榮集作澤均草木秋色變以為春徒激丹心豈報  
玄澤謹奉狀陳謝以聞謹奏

三月三日謝恩賜曲江宴樂狀 前人

右今日伏奉聖恩賜臣等於曲江宴樂并賜茶果者伏以  
暮春良月元巳嘉辰巳集作獲侍宴於內廷又賜歡於曲水  
蹈舞踟地懽呼動天况妓樂選於內坊茶果出於中庫榮  
降天上寵驚人間臣等謬列近司猥承殊渥集作澤捧觴知  
感終宴懷慙肉食無謀未展涓埃之効素食有愧難勝醉  
飽之恩以此兢惶未知所報謹奉狀陳謝以聞謹奏

謝賜食狀

張九齡

有<sub>臣</sub>等面奉進止今就集賢院與諸學士等觀聖注道德  
經尋又賜<sub>臣</sub>等食竊味道腴兼承珍饌聞義飽德虛往實  
歸<sub>臣</sub>等何人叨承渥澤不勝惶悚感戴之至

謝每日賜食狀

常袞

臣袞言<sub>臣</sub>聞恩或曲存義不虛受故耆儒碩德方載珍羞  
大節殊勲乃加禮食至於列曹分署各置飡錢匪頒王褒  
食有公膳陛下勵精庶政垂意輔臣特降非常之慈屢蒙  
每日之賜上林果實至必先時太官殮牢送無曠日<sub>臣</sub>等  
自登三事已涉三旬當朝廷釐革之時佐海內安危之重  
入趨殿省常奉憂人之旨出在廟堂每思克已之功而不

能陳一策進一賢外無平戎之謀內闕叙官之實四夷未  
格百姓未安不副憂勤合當罪累更承飭賜實用慚惶既  
招拆足之嫌將貽騰周易作滕口之誚伏望重回宸睠載允誠  
詞俯停三錫之恩伏免萬方之責則神明或祐官謗不行  
在微臣再受多福無任懇迫悚懼之至

代杜相公謝就宅賜食狀

劉禹錫

右高品某乙奉宣聖旨賜臣食者出自太官飭于私第光  
榮曲被猥承推食之恩駑蹇未施益重素餐之責舉其七  
筓若負丘山無任戰荷踴躍之至

爲宰相謝恩賜酒脯餅果等狀

白居易

右中使某奉宣聖旨賜

臣

等前件酒脯

二字集

等俯僂受

州城羅荷恩天酒來以分甘御餽集作羞降而示惠臣等省

躬知感因物言情寵過加遠懼多尸素之責榮同置醴慙

無麴蘖之功徒瀝丹誠豈酌玄造

代謝賜人糧馬料狀此是讓狀英華誤編于此于邵

右臣先奉恩旨賜前件人糧馬料初已陳讓不蒙允許臣

昨日於延英對見又請前件糧數內停一千人糧聖情未

察倍增一作益惶懼臣自興兵已來早參戎律及討慶緒即

從先皇皆虔奉睿謀遂稱多難豈臣薄劣輒敢貪天而寵

遇特深封賞殊厚纏綿渥澤三十餘年食邑累加俸料甚

一作亦廣自此之外更有田園朝夕所須幸無闕乏不謂繼

明之始恩出非常曲賜袞崇靈此糧斛雖雲雨之施在恩

私而至極彼凋朽之質顧饗餐而多慙是以形神震駭不  
知所據懼悚顛沛以促餘年敢犯宸嚴重析哀亮儻蒙全  
度伏乞賜停謹奏狀 云

謝米麵羊酒等狀

常衮

右中使某至奉宣恩命以至節恩賜米麵羊酒猪鹿及雜  
口味等者聖旨頻降榮賚過優以周官百品之珍載頒其  
實雖魏 臣 五金之貴豈容其多受賜踰涯拜恩失序 臣 出  
自孤賤素甘貧苦不過滿腹竊誠終身且祭不掩且飯惟  
脫粟昔聖之美其儉可師敢望豐盈重彰尸曠而雨露偏  
施歲時益榮俾奉先之饗味兼海陸合族之宴及於膏粱  
又沐深慈下霑中饋以感以慶啓處難任無德無功慙惶



罔措不任戴荷兢惶之至

謝賜大麥麵狀

張九齡

右林招隱宣勅賜<sub>臣</sub>等招隱說云薦新之外自禁中所出  
皆是降至尊親耕稼穡之所成也伏以周人之禮唯有籍  
田漢氏之薦但聞時果則未有如陛下嚴祗於宗廟勤儉  
於生人事必躬親動合天德<sub>臣</sub>亦何幸近奉德音又蒙聖  
恩猥垂珍錫已飽於聞義况霽此時羞綢繆溼澤未知報  
効死罪死罪仍望宣牒史館以示將來<sub>臣</sub>等不勝感荷之  
至

謝賜鹿狀

常袞

右中使邠國俊奉宣恩旨以前件鹿稍覺鮮好特以賜<sub>臣</sub>

者謬竊和羹之任累承分食之恩無補消塵叨一作霑雨露上載洪造內愧素食伏以陛下順時令以宣風展春蒐之藝典有司奉職上苑從禽將備御庖獻茲鮮獸宜供六膳以副八珍臣實無功何以受賜寵承殊渥味則非時顧調飪而空慙荷生成而何答無任感恩悚抃之至

爲晉公謝賜鹿肉狀

苑咸

右內品官史鳳節至奉宣聖旨賜臣鹿肉一盤捧戴殊私喜躍無地伏以十月農隙三泰歲成展豫離宮時巡近甸幸承扈蹕已荷陪遊之榮恩降自天更沐珍鮮之賜慶覃野吹澤披私門顧螻蟻之至微仰丘山而何答無任感佩惶悚之極

爲晉公謝賜魚狀

前人

右內品官葉惠仙至奉宣聖旨賜臣魴魚一盤仍便令造  
羹伏以九天之使頻過衡門八珍之羞屢霑御膳登盤既  
榮於薦熟正席更喜於先嘗每侍軒墀曾無獻替歸不私  
室偏沐恩波空荷紅鮮之慈實負素餐之責無任惶悚感  
戴之極

爲晉公謝賜蟹狀

前人

右中使焦庭望奉宣恩旨賜臣生蟹一盤便令造食臣自  
叨陪侍從累沐殊榮朝天賜浴於御湯退食每霑於仙饌  
賞隨恩積慶逐時新臣之何功偏承厚錫游泳渥澤但懼  
踰涯徘徊寵私無階答効無任望外荷戴之極

為晉公謝賜車螯蛤蜊等狀 前人

右品官葉惠仙至奉宣聖旨賜臣車螯蛤蜊等仍令便造

膳適中使賜臣水獮肉一合自濫陪巡幸累沐殊私每荷

一作天恩曾不踰日或承海味或降珍鮮况皆聖主傳芳

王人調飪薄効無裨於涓滴厚施轉積於丘山昔周美康

侯特霑蕃庶之錫漢崇張禹亟覃賜饌之榮才不逮於前

賢而遇每深於曩眷雖竭心盡節何答生成不任云云

二

右內官趙承暉至奉宣聖旨賜臣車螯蛤蜊等一盤仍令

便造趙承忠至又賜生蟹一盤高如瓊至又賜白魚兩箇

伏以衡門之下頻降王人簞食之中累承天饌適口之具

無時不霑駭目之珍每日幸一作皆遇顧循涯分何以克當

徘徊寵私罔知攸答

謝恩賜苜子狀

于邵

右中使某乙至奉宣進止賜臣前件苜子伏以江潭所出

見重於南州苞茅入貢一作菁茅合貢遠歸於北闕陛下念其野

次錫及微臣顧萍實以虛言非蔗漿之足擬分苜絕少遷

李陵苜子少編荷於恩私食根懷音敢忘於報効無任云

謝賜苜蔗芋等狀

常袞

右今月某日喬苜至奉宣恩命賜苑中所種苜蔗及芋等

其形豐其味甘曲被生成之恩宛同吳蜀之物過蒙頒錫

伏用驚喜陛下以萬靈効祉六合同風養之則生孰云其

遠化之自我不隔華夷將有絕域之人服中州而稟教故  
使他邦之產歸上苑而咸植既登天膳實表地成太和之  
理於斯可見捧承異貺兢跼素餐感戴之誠倍百恒品不  
任受恩悚懼之至

謝賜茶果等狀

白居易

右今日高品杜文清奉宣進止集作以臣等在院脩撰制

問賜茶脯梨果者集作茶果梨脯等曲蒙聖念特降殊私慰諭未

終錫賚旋及臣等慙深曠職寵倍驚心述清問以脩辭言

非盡意仰皇慈而受賜力豈勝恩徒激丹誠庶集作酌玄

造無任欣戴抃躍之至

文苑英華卷第六百三十二

文苑英華卷第六百三十三

狀六

謝恩六

謝賜衣服狀五首

謝賜春衣狀六首

謝賜冬衣狀六首

謝賜馬狀八首

謝集作賀侍講遍賜衣物伏

張九齡

右高力士至宣稱陛下親講讀毛詩遍賜侍講陳希列三

品兼賜衣物等伏以睿思玄通超然物表俯臨天下必樹

風化既弘儒教考覈詩人爰託師資親行講讀章句初畢

賞賜集作錫有加明主深恩集作用心誰集作孰不知勸臣謬承任

遇實愧經通聖業彌深微誠何補方思敦學以助皇明集作

明時無任悅豫之至

謝賜衣服及絹狀

前人

右中使某至特蒙恩曲賜遠別之什又中使某宣口勅賜衣一副并絹一百疋者但柱礎雖下感致於青雲陽燧則微昭應於白日在臣孤賤亦荷寵光伏惟陛下御札龍躍八體比之未雄天文鳳章五色對之猶淺况束帛荐至衣服仍臻施重丘山恩深江海實為九族遍有光華匪唯賤陋獨稱榮慶不任云云

謝賜衣物狀

前人

右高力士宣勅賜臣衣及器物等臣九齡不孝苟存企及禮制天恩以忝樞近賜問再臨衣服珍器殊常寵錫臣有何力可以叨濫渥澤至深誠效已竭唯有微命不知所圖



無任感戴惶悚之至

為盧監被盜衣物謝賜御衣物狀

蘇頲

內常侍趙元亨奉宣恩旨以

臣

披竊盜失物賜

臣

衣一副

臣素以慢藏闕於周備令尹為過尚不可逃太立有言復

不能覺使臣知政未息盜於萑蒲加

臣

匪服遂增輝於樛

標顧深憇咎翻荷恩慈捧戴循環再三惶懼無任下情之

至

謝恩賜衣服狀

白居易

右今日守謙奉宣聖旨以

臣

初入院特賜衣服者

臣

自入

禁司纔經旬月未申

集作陳

薄効累受殊私况前件衣服等

獻自遠方降從御府既鮮華而駭目亦輕煖而便身

臣

實

何人堪此榮賜必擬秘藏篋笥傳示孫子何則顧陋質而  
懷慙貌非稱服撫微軀而荷罷力不勝衣因物感恩無任  
愧懼謹奉狀

謝恩賜春衣狀

崔行先

右中使某至伏奉勅書手詔宣慰臣及將士等兼賜臣春  
衣等鴻恩濡澤忽降轅門霧縠冰紈猥加介冑臣等謬膺  
委使徒展寸誠曾無逐獸之功每懼伐檀之刺捧受祗慄  
不知所裁仰戴恩光將何上答彌憂不稱其服益用內愧  
於心無任云

二

右中使某至伏奉勅書手詔宣慰臣及將吏等又賜前件

春衣臣等駑駘賤品介冑匹夫未彰塵露之功游及雲霓  
之澤喜抃兢惕然失圖捧戴恩私不知所擬以御府統  
素耀晴景於三春天宮蘭麝襲回風於十步豈土水之質  
被服所宜雖灰粉其身上答何極無任云

同前

于邵

右今月某日中使某至伏奉勅書手詔慰諭臣及三軍等  
并賜臣及大將春衣者捧戴抃躍實增慙懼臣功效微淺  
罷遇日深霜露適濡恩已承於挾纊清明纔度賜又及於  
解衣仰服用於公家罷裁縫於私室已頒分大將訖各盡  
殫戎之力用申報國之誠

同前

常衮

右今月五日監軍某乙差行營十將某乙送正月十二日  
書詔并賜臣衣三副軍將二人衣二副跪伏捧承惶悚殞  
越臣素以愚懦昧於吏能虛受罷私豈堪任使謬承條察  
吏法非明忝司訓練戎行不肅今之曠職獨有微臣宜懲  
冒榮以勵分鎮豈謂特廻聖睠俯示天書曲降宸慈載加  
墨詔下頒春服遠被特恩獎飾逾涯兢惶失次載光師旅  
仍錫偏裨誓以捐軀期於上報無任慶抃悚踴之至

謝賜春衣牙尺狀二首

為人作

令狐楚

右中使某至伏奉詔書宣賜前件物臣伏以衣服者身之  
文章尺寸者王之律度被於四體不衷則災考以二分無  
差為貴伏惟皇帝陛下陶蒸萬類軌物兆人每及新春皆

願上賞其或才堪國用智代天工福至而驚名成猶懼備  
省涯分比數藝能臣實無任累承斯寵曳紫光於腰下稱  
佩黃金操素質於掌中如持白璧窺看耀日舉止生風誠  
聖主全覆育之仁顧微臣無秉持之力蒙恩過厚忍愧逾  
深終申一寸之功用答九重之賜欣榮感惕不勝自任云

二

君中使駱元榮至伏奉勅書手詔慰問臣等并賜臣春衣  
二副牙尺一枝軍將衣二十副者臣伏以行慶于下惟德  
所廣受賞于上無功則難臣實何人叨居重任履冰非懼  
食檠為其今者伏蒙陛下推漢后解衣之恩寵錫春服稽  
有虞審度之典榮頒象尺樂官考正無累忝之差女御裁

縫有奪米之麗而况端平皎潔無慙七寶輕盈絳繚不謝  
六銖此臣所以捧觀而似覩鈞衡服拜而如生羽翼謹便  
分散諸將傳示眾人感戴欣抃歡與臣同一作感戴欣所  
守有限不獲拜謝無任欣躍一作之至

謝賜冬衣表

權德輿

此表移在五百九十三卷表門今有其目

謝賜冬衣狀三首

為人作

令狐楚

看中使宋文瓌至伏奉勅書手詔慰問臣及將士等并宣

恩旨賜臣等前件冬衣者臣伏以瓜牙之寄才實甚難衣

裳之賜恩為至厚臣之氣質無所任用誠不足以膺重寄

而蒙厚恩今陛下陶以大和蓋其多闕及戒寒之月屬授

天之... 作此賢能頌宜慈惠悅聽清問欽承寵章

衣之時喻

一作倫

比賢能頌宣慈惠跪聽清問欽承寵章宛

是蠶綿爛如獸錦長皆被土貴實兼金分列校不辨鮮華  
在微臣最為重疊自承天澤不憚風威仰戴恩光有千鈞  
之重俯循功績無一縷之微空知竭誠難以勝德謹並捧  
受分給訖所守有限不獲陳謝無任感慶屏營之至

二

右中使某至伏奉勅書手詔慰問

臣

及將士兼宣恩旨賜

臣等前件冬衣者伏以綸綽之言出於天澤衣裳之受必

以王功臣職在總戎任當平寇効無絲髮非聖主而豈容

施若丘山在愚臣而將壓今者司寒肇至命服載新降自

九霄來經千里錯鳥章於襟帶奮能文於素牋兼并縟麗

備極環竒木石之姿過蒙鮮饈冰霜之氣頓減嚴凝曳婁  
而賤質生光憤悱而懦心增勇終期薄効用答深恩謹準  
勅受兼分給諸將訖所守有限不獲陳謝無任感戴之至

三

右中使吳千金至伏奉勅書手詔慰問臣及將士等并宣

恩旨賜臣冬衣兩副及諸將衣二十副者臣守國之藩荷

天之寵名聲績用未有可稱伏惟皇帝陛下仁育四方澤  
均群動當玄律開冬之候念初寒用事之初書詔交飛衣  
裘疊至墨畫龍蛇之妙綾兼龜鶴之竒服翫而衰殘有光  
拊循而辱懦增氣自臣而下萬口一聲臣並準勅分配訖  
不勝歡抃愧戀之至



為滎陽公謝賜冬衣狀

李商隱

右中使某至奉宣恩旨賜

臣

冬衣一副大將衣四副兼賜

臣手詔一通者入行帝語宵降於重宵一襲天衣俯廻於

窮節

臣

當時準詔給散訖臣叨蒙重寄適控遐陬地雖五

鎮之衝氣得四時之正每玄冥應律顓頊司辰當二日之

鑿冰則殊幽

英華作幽

野及兩楹之飛雪無具朔山重以寶布

少溫蠻綿乏暖方求麗密以禦嚴凝豈望司服頒衣貴臣

傳詔綾裁飛鵠絮

集作素

裏仙蠶白分椒壁之光紫奪蘭牙

之色已均下將仍逮連營晏子狐裘故弊何

一作舊

彰於

國儉王恭鶴氅風流不自於君恩被服有輝負戴無力謹

當上宣殊渥下拊多寒均大裙於瑯琊變無襦於蜀郡粗

令康泰以塞貪叨臣與大將等無任望闕感恩抃舞屏營

之至

為濮陽公涇源謝冬衣狀

前人

右某月日中使某至奉宣聖旨賜臣及大將兼諸鎮防秋

兵馬等前件勅書手詔并冬衣者臣並已準詔旨宣示給

散訖恩極解衣榮加降蠶戴山未重負日非暄臣謬領藩

垣適當戎狄唯憑廟筭粗展集作軍威絕漠集作穢迴幸

無警急高烽火過但報平安直以地勢多陰川形稍背三

伏常聞於屏遠九秋尋訝於垂繒代馬暫嘶隴山無葉燕

鴻未過涇水先冰是以每降王臣仍迂御筆緘封垂露寵

錫禦冬非玉女裁成即仙人織出徒驚在笥莫匪集作因

針始顧孱微深懼不勝冠帶旋蒙被服便如能執干戈  
逮軍前歷霑麾下達喜氣而陳根復秀動歡聲而蟄戶潛  
開華楚成行曳婁塞路其山南宣歙三道大將等雖久居  
炎燠不慣嚴凝亦既更衣皆忘易地賈餘勇而例思盡敵  
感鴻私而咸願殺身各限征行不獲陳謝臣與大將等無  
任瞻天戀闕感恩屏營之至

謝賜冬衣狀二首

張次宗

右伏以玄律戒時祁寒應候玉人傳詔御府頒衣伏惟皇  
帝陛下盛德御天至仁育物每念藩方之任屢加寵錫之  
恩臣績効未施塵忝茲久捧溫密之詔喜若朝天被輕織  
之衣暖同就日况撫寒之間下及師人錫服之榮遍周戎

校喜氣乍傳於封部陽和先及於荆衡爭馳戀闕之誠各

勵酬恩之至

云

二

右中使劉泰伸至伏奉勅書手詔宣慰臣及將吏僧道百

姓等并賜臣手詔及冬衣兩副大將衣十副者清風戒寒

玄律將至未及嚴凝之候已霑輕煖之衣承寵命而載慙

啓緘封而增感伏惟皇帝陛下至德御時深仁育物光武

十行之詔每覩憂勤魏后五時之衣未爲寵錫况臣叨榮

漸久受賜彌多寒暄之節候驟移新舊之光華相委被服

悉頒於御府裁縫僅度於私家挾續之恩已周於列校維

鷦之刺尤媿於微躬無任云

射陽馬伏

長九發

謝賜馬狀

張九齡

存今日高力士奉宣聖旨賜臣紫騮馬一疋伏以恩覃不  
 次寵遇非常有忝股肱之臣頻奉渥洼之賜况郊壇展禮  
 尚未奠於九宮而兩露深恩反有叨於三接雖鳴珂噴玉  
 朝天未代於臣勞而任重才微久歲寧醇於聖造荷負無  
 力答効何階云

謝借馬狀

孔戣

右中使至奉宣進止將前件馬送臣至京兆路界祇承寵  
 光載兢載惕微臣猥以庸瑣謬分憂寄拜命之日已受賜  
 於龍媒遵路之時復假榮於天驥恩私稠疊渥澤殊常豈  
 謂聖意不遺獨懷軫念輟驂騶於內廐馭逸步於長衢驅

馳忘勞服習如志誓當夙駕奔走所部冀安夷獠以免聖  
憂無任感恩懇款之至

謝借飛龍馬二疋狀

鄭綱

右中使某至奉勅旨借臣前件馬至京兆府界者王人在  
門天驥臨路寵光荐及行色增輝上感恩私何階答効自  
臣叨承戎寄累軫皇慈念輸力於外藩降逸才於內廐分  
憂未酌於聖主代勞已及於微臣雖駑鈍莫施而疲羸頓  
解再馳猶勤於遠道三接已及於帝畿即以某日至京兆  
府界迴瞻魏闕目斷白雲祇事正程指期丹激無任感戀  
之至

謝借馬狀

于邵

若今日中使某至以臣朝奏闕廷特借前件馬拜受殊深  
不任驚懼伏以詔傳中貴馬出內閑恩光自降於九重前  
疑作飾不關於衆口無功無効以懼以慙遂躡權竒方遺  
剪疑作款段瞻天心喜已馳捧日之誠向闕身輕更遇奔星之足  
仰丘山而轉重知報効以何階

謝賜馬狀

常袞

右中使某奉宣恩旨賜臣前件馬臣竊位台司已招官謗  
未申薄効遽沐殊私捧荷驚惶心魂震越上慙慈睠下愧  
周行素無遠致疑作致遠之資益懼負乘之咎無任感戴之至

爲趙相公謝馬狀

齊映

中使某至奉宣進止賜臣馬一疋并鞍轡者臣官叨上司

日荷厚俸固其乘馬足展驅馳宸睠過深聖慈猶軫猥出  
上駟特賚微臣豈徒體合鑄金法相皆備而乃足符歷塊  
驥德是稱仍束以銀鞍絡以金轡顧自微賤何可服乘拜  
命驚惶不勝戰汗當攬轡之際思六合於如琴執鞭之辰  
度三代之得策空懷夙夜寧効涓塵無任感激之至

爲段相公謝借飛龍馬狀

白居易

伏以出從內廐行及中途假飛龍之駿駒代跛鼈之蹇步  
執鞭拜命借馬喻身取其戀主之心以表爲臣之節恩深  
易感情懇難陳竦踴之誠倍百群品

爲中丞滎陽公謝借飛龍馬送至府界狀

李商隱



者中使某奉宣恩旨以臣赴任特借飛龍馬一集作死并


鞭轡等送至京兆府界者臣謬奉恩榮出叨廉問豈期蹇

步深軫皇慈特命內臣俾騰上駟梁懸蜀鎧几覆吳鞍每

多曳練之疑不假着鞭之力倏踰秦甸將復周開照地廻

光瞻天送影長亭欲別未期東道而來雙闕儻嘶願附北

風之思無任感恩戀闕雪涕屏營之至



風文思無外想

國朝

至

天授... 聖...

史... 人...

文... 聖...

聖... 聖...

文苑英華卷一百三十一

英華卷第六百三十四

謝恩七

謝賜宅狀二首

謝賜內園花藥狀一首

謝賜米狀一首

謝賜弓箭狀一首

謝為宰相賜吐蕃信物狀一首

讓勅賜蕃口狀一首

謝賜毯價絹狀一首

誅賜尺詩狀一首

謝賜撰鄭夫人碑羅絹狀一首

謝賜宣行哀冊文狀一首

謝令撰田弘正碑文狀一首

謝許受膏丹送撰碑綵絹狀一首

集賢謝示道經狀一首

謝御書大通禪師碑額狀一首

謝賜寺額狀三首

為五臺僧謝賜袈裟狀一首

為薛岌謝賜宅狀

于邵

右件宅先賜

臣

亡弟嵩比緣空閑

臣

遂權住某月日中使

甚至奉宣進止轉以賜

臣

并勅所司改給公驗

臣

素空行

藝久遭扞脇

疑作汗脇

陛下特存要領更齒班榮以非常之恩

以超等之賜自典環列職在警巡歲月徒深消塵罕錄豈

謂叨承後命曲被殊私賜以蔭庇之地未為子孫之業生

輕施重內省知慙捐軀報德實臣志願無任感戴

代射賜未崇宅莊賜酒食綿絲器物等狀

代謝賜未崇宅并賜酒食錦綵噐物等狀

竒今日中使某至伏奉恩旨令臣移入所賜宅并賜前件

者慈旨曲降驚抃難容臣以微生幸逢休運上公政本既

荷殊私理第頒田特超恒數且居爽愷又賜歡娛芳膳出

於天厨喜疑作嘉賓傾於朝彥金石諧座珍奇爛庭况棟宇

輪困近加朽填林塘秘邃潛蓄清凉素以衡茅特驚弘敞

周履既增於魂悸眇眇殊覺於心慙臣實何人遘茲多幸

飲恩知愧受賜輕生誓將灰粉百身償國家之恩遇拂磨

一劔弭一作醜於邊疆區區寸誠仰答萬一不任戴荷

之至

謝內園果栽并令府縣供花藥狀疑是代郭子儀作

右臣得男曜狀稱伏奉聖旨緣臣莊栽蒔賜內園果樹又

令府縣與竹及同栽花藥等今月十日仍令開府魚朝恩

已下到莊檢校者謬承大眷累沐恩私事有至微亦關聖

慮顧唯別業封植未成特降明命賜臣茸木移根上苑擢

秀中園發輝池館之勝實荷生成之力侍臣中貴接武員

來虛落生光卑閭增慶况內園所賜品類已多府縣更供

竊憂煩擾在臣諸已先有不敢重此勞人望停府縣所供

曲遂微臣至願無任云

謝賜冰狀

白居易

右今日奉宣聖旨賜臣等冰者伏以頒冰之儀朝廷盛典

以上非常之物用表特異之恩况春羔之薦時始因風出

當夏蟲之疑日忽自天來煩暑迎銷清涼集作飈隨至受此

殊賜臣何以堪欣駭慙惶若無所措但一飲之慄慄常傾受

命之心捧之兢兢永懷履薄之戒以斯惕勵用答皇恩集作

茲謹奉狀陳謝以聞

代人作昭應獵謝賜弓箭狀 于邵

右中使某至伏蒙賜前件弓箭跪捧殊私抃躍無地伏以

彤弓出齧利鏃離方月滿星流皆承御物摧剛服猛便假

天威慙無矯控之能庶盡追擒之狀無任

為宰相臣謝恩賜吐蕃信物銀器錦綵等狀

白居易

右臣等才愧庸虛職叨輔弼遇天下削平之日當西戎即

叙之時遂使殊方致茲遠物此皆率由玄化感慕皇風人

臣既絕外交問遺敢為集作言已有今蒙重賜益荷聖慈况

來自外夷知德廣之所及降從中旨仰恩深而不勝感戴

悚惶倍萬恒品

讓勅賜蕃口狀

此是讓狀英華誤編于此

張九齡

右高力士宣聖恩賜臣等蕃口執訊自邊釋囚為隸誠宜

供國次及賞功

臣等無庸以何集作何

受賜殊恩俯逮

集作降

循涯自失伏望俯停渥澤存以至公矜遂懇誠許歸官寺

則上有無偏之道下無苟得之責無任悃欵之至

謝賜毯價絹狀

令狐楚

右監軍使李輔光廻奉宣恩旨賜

臣

前件絹者

臣

當道比



平未豐經費不足懼乏供億慙無智能陛下散燭幽之光  
垂逮下之德絲綸既出縑帛員來數至累千價盈巨萬廣  
狹中量鮮明如水足以贍三軍之賜予充百工之餽廩捧  
受欣抃不知所裁無任云

謝賜尺詩狀

張九齡

右今日高力士宣勅賜臣等御製詩并寶尺伏以尺者紀  
度之數宜麗天文詩者律呂之和是生節物聖恩下逮天  
旨旁流因物寓言以言垂象臣雖瞽陋伏見宸衷竊謝良  
工徒秉刀尺終期死力取配鈞衡而未副所圖退省知罪  
臣等不勝負荷感懼之至

謝賜撰鄭國夫人碑羅絹狀

張說

右內侍尹鳳祥宣口勅得所進闔羊表及鄭國夫人碑今  
賜卿綵羅二十疋絹一千疋闔羊薄伎恩感戰士之心雕  
蟲陋詞媿稱賢母之德効輕賞重戴厚慙深臣子之情豈  
望天報

謝宣行哀冊文狀

令狐楚

右臣先準勅撰成封進訖奉某月日勅旨敬依典禮不任  
號慕者伏以範天地之大者難爲狀鑄金石之堅者難爲  
工况先皇之武烈文明迴超前古而徽臣之瞽言惜學不  
及中人顧惟庸虛謬獲紀述叨蒙恩獎特賜宣行竊文士  
之名誠有慙色彰聖人之德實荷經綸云

謝準朱書撰田弘正碑文狀

元稹

魏博節度使李烈請與田弘正立德政碑石臣伏準集作奉

本月二十四日勅令臣撰前件碑文伏以田弘正首變魏

俗彰先帝之睿謀近入鎮州宣陛下之神武積成忠懇大

有勲勞人懷去思願刻金石陛下所宜外詔台席內委翰

林妙選雄文式揚丕績豈謂天光曲照御札特書猥付微

臣實非常例且臣頃以特恩拔擢便欲効死仰酌遂竭愚

誠累蒙召對自去年九月以後橫遭謗毀無出集作再覩

天顏分隨枯朽而凋永絕恩波之望豈料聖慈長在記憶

姓名無人奏請撰碑便自宸衷宣付微臣忝非木石粗有

肺腸集作空懷感激集作涕之心未獲殺身之所無任感恩

思報鏤骨銘肌之至

謝許受江西送撰常冊碑綵絹等狀 杜牧

看今月十六集作九日中某至奉宣聖旨令臣領受江西觀

察使訖于衆所寄撰常冊遺愛碑文人事綵絹共三百疋  
恩隨幸至榮與利奔走躡慙惶罔知所措伏惟皇帝陛下  
皇天縱聖赫日資明大獎功勞不計存歿舉常冊江西之  
績特令微臣撰碑墮淚之恩豈慙羊祐黃絹之妙實媿蔡  
邕今者更蒙恩私廣受綵帛捧戴兢惕無地容身不勝感  
恩慙惶之至

集賢院謝示道經狀

張說

右臣伏見聖札金字八分寫道經經兩卷以爲惠文太子三  
七追福天毫發彩宸翰騰輝色麗風雲光逾日月伏惟陛

下孝悌之至通於神明俯念天倫用資幽贊當茲炎暑服  
此勤勞事絕古今感深名教臣忝司舊職載考前王未有  
親親之至楷隸之美如此之備也足以作則貽範垂之無  
窮伏望宣付史館以光典策無任誠懇慙惶之至

謝賜御書大通禪師碑額狀

前人

右內侍尹鳳祥宣示御書大通禪師碑額六字畫起平雲  
點蹲芒玉戈茅攢倚鸞鶴交飛神功發於至想睿思成於  
玄德實謂天龍捧持虛空稱贊逝者如在荐福知歸臣栖  
志禪門撰碑靈塔幸遇聖情崇道書假貸刻星辰於嘉  
石爛日月於封丘感極悲生恩深無答臣無任望外殊澤  
之至

謝賜天寶寺額狀

釋嗣安

右臣會覺等言 臣聞皇天以平分四時聖人以亭育萬物  
 僧等何幸頓沐殊私但以王者封畿乃稱鄠杜之邑諸侯  
 近甸是惟鄴鎬之濱頃者靈符發兆聖號輝煥百神慶答  
 萬國惟新不謂惠澤旁流降仙毫之瑞札宸慈下被賜天  
 寶之嘉名普潤緇黃齊霑寺觀而魚龍起伏來從日月之  
 宮東帛戔戔更賁金繩之界雙林戴色紺苑增榮臣等不  
 勝抃躍之至

謝賜貞元寺額狀

崔行先

潞府羅城南面臣故使李抱真先用料錢脩置山  
 亭并改造立五龍神院等

昨奉前件亭子及五龍院等伏以皇天恩賜額為寺於

者臣昨奏前件亭子及五龍院等伏望天恩賜額爲寺於  
當府抽有道行僧二十七人住持脩理爲國崇福者伏奉  
勅旨允臣所奏賜額爲貞元寺者特沐殊私俯遂愚懇採  
實曆之二字開浮域之一名演皇劫無窮之期示蒼生廻  
向之路莫大之福實在於斯且上黨古郡先皇舊藩星辰  
曾降於謳謠符瑞見存於圖謀昔爲盤石之地新作布金  
之園廣梵宇於城中資聖祚於天上闔鏡臣庶歡抃難勝  
臣忝列簿籍戴荷何極

謝賜僧尼告身并華嚴院額狀 令狐楚

右中使王進卿至奉宣恩旨賜臣前件僧尼告身并院額  
等臣伏以有爲功德莫大於化人無上菩提亦先於奉國

臣以前因慶誕輒貢敷陳期降福於上天庶効祥於今古  
伏蒙陛下用至真之印轉不退之輪寵錫僧名榮頒院額  
仰窺金榜跪捧瑤緘翫四維鸞迴二點憑大悲之力便  
至道場承上聖之仁必成菩薩光生十地歡動一方荷天  
眼之昭一作照明願法身之清淨所守有限不獲陳謝無任  
欣戴之至

爲五臺山僧謝賜袈裟等二首 前人

右中使蘇明俊至奉宣聖旨賜臣巾襪香茶念珠袈裟等

伏以推恩之義法雨露而必均受施之深一作心戴丘山而

不墜伏惟皇帝陛下爲人心印得佛髻珠垂衣于空寂之

門倒疑於清涼之境每因令月常降信臣輦珍寶於九天



散芳馨于十地巾裁吳紵靡不輕盈帔衲齊統無非麗密  
某等名非長者跡在凡夫既結襪以經行又焚香而宴  
坐啜楚山之新茗煩惱頓除持越海之名珠聖賢可數而  
煎和百品週遍萬僧覩奕葉以重光知分畦而疊慶豈大  
雄慈悲之力盡上帝福德之田誓當潔已禱天虔誠報國  
以無疆爲聖壽以常樂爲昌期長承覆護之仁水助清平  
之理限以脩習不獲匍匐陳謝無任感戴之至

同前

右中使蘇明俊至奉宣聖旨賜前件袈裟蓮子念珠等物  
均散五臺山諸寺伏以稻畦可製降自九天蓮葯親規生  
於八水或光浮眼界或香滿鼻根豈意凡夫今蒙寵錫山

積於樓臺之下無不裝嚴雲散于林嶺之中悉皆週遍咸  
承覆露孰不欣榮誓將傳印之功以助垂衣之慶謹並準  
勅分散訖無任感戴之至

文苑英華卷第六百三十四

文苑英華卷第六百三十五

狀八

賀上

賀冊尊號狀二首

賀冊皇太子狀三首

賀降誕日德音狀一首

賀聖躬痊復狀二首

賀順宗謚議狀一首

賀論三教狀一首

賀西幸改期狀一首

賀冊尊號狀

孔戣

右臣聞唐德格天列聖垂祐必紀名號以彰治唐功伏惟

元和聖文神武法天應道皇帝陛下繼戎十聖時乘六龍

躬一德而善繼不承肇有形而天覆地載既休武力方用

文經遺步驟於殷周振聲容於華夏既而天人合應億兆

叶心探至道於邦家之先揭鴻猷於疆名之域陛下初遣  
群議方守謙光旋體至公遽廻慈眷德意既降盛禮將陳  
凡在品彙無任幸甚臣以待罪返微不獲稱慶闕庭徒勤  
子罕江海之心有同太史滯留之日無任歡抃之至

賀冊尊號表

英華作  
狀非

韓愈

此篇當在五百六十九卷表門今已移入姑存其目

百僚賀冊皇太子表

英華作  
狀非

柳宗元

此篇當在五百十七卷表門今已移入姑存其目

為崔大夫賀冊皇太子狀

孔戣

臣聞帝皇立極必建儲貳俾承宗祧所以祗奉粢盛永固  
社稷者也伏惟睿聖文武皇帝陛下積德承業光有天下

思正國本以和人心載考春秋之義以明君臣之道主茲  
七鬯允屬元良推明至公振舉舊典皇太子體仁秉哲既  
嫡且賢溫文發中孝友聞外欽若不訓允膺冊禮陛下將  
嗣上聖之休烈垂百代之懿範大備禮物廣設明庭陰氣  
方晦而忽銷旭日既昇而增朗夷夏胥悅神祇克諧足以  
包夏孕商跨周軼漢夫何晉魏以降易置瑣瑣不足侔此  
盛禮旣畢洪恩又洽恤刑議獄旌善賞勞禮間高年存血  
疾隱皇王之德於茲備矣臣忝列近侍親承睿謨抃蹈之  
切不任愚懇云

爲鄭尚書賀冊皇太子狀

今狐楚

臣聞於宣政殿冊皇太子訖伏以建崇儲位光啓春闈萬

方以貞九服同慶伏惟皇帝陛下誕敷聖訓光啓天慈咸  
元貞於國經鍾福慶於邦本皇太子溫恭表德仁孝因心  
方毓質於龍樓肇增輝於望苑臣戎守有限不及蹈舞稱

賀云云

賀降誕日德音狀

元稹

右臣等伏奉今日勅旨集作書以降誕之辰奉迎皇太后宮

上壽獲申歡慰宜集百寮及外命婦進名賀皇太后仍御

光順門內殿與百僚相見便求為常式者伏以降集作誕聖

嘉辰承天令節新恩肇降品彙咸休皇太后念樞星之祥

重遊甲觀群執事排閭闔而入蓋唱賡歌同霑就日之榮

賀慶普天之樂况百官集作寮承式萬歲傳呼求為利見之

元稹賀降誕日德音狀

規彌荷無窮之澤臣等謬參樞務親奉德音慶抃之誠倍  
萬常品無任鼓舞歡呼之至

李令公賀聖躬痊復狀

前篇作表已見五百六十九卷

于公異

平和

前篇作康平

上天

前篇作自天

坐朝

前篇作求衣

之事

前篇作之任

任於

藩臣

前篇作彼戎臣

其餘所司責成各有常務

臣

蒙國榮輒露丹

懇伏惟察納表

臣

愚忠無任感激屏營之至

前篇作從容聖心消息玄

化為宗社自愛委諸有司幸甚臣蒙國寵榮輒露誠懇伏惟察納表臣愚忠

為大夫安平公華州進賀皇躬痊復物狀

李商隱

右臣

聞藩方舊德臣子私懷將稱慶於天朝必展儀於土

貢伏惟皇帝陛下道苞乾象德總坤靈肇自元正載康福

履九廟不忘於繼志兩宮無闕於問安鼓舞萬靈波傳四  
國驗推測則咸如周卜聽祝詞而皆若華封臣坐擁伏熊  
行驅畫準值一人之有慶當春日之載陽心但葵傾跡猶  
匏繫伏蒲之覲謁未果獻芹之誠懇空深况又地邇宸居  
俗薰儉德更無玉帛以率掬航前件石器等瑞匪土矧珍  
慙甌磬並取諸地產皆以勒工名茯苓伏神等品載仙經  
奇標藥錄通靈祛疾不唯色若凝脂延壽安神豈是心如  
枯木干冒陳進無任兢惶云

賀順宗謚議表

英華作狀非

令狐楚

此篇當在五百七十一卷表門今已移入姑存其目

賀論三教狀

張九齡



右伏奉今日墨制詔諸學士及道僧講論三教同異臣聞

好向之論事蹟於偏集作萬方至極之宗理歸於一貫非夫

上聖孰探要旨伏惟陛下道契無為思該玄妙考六經之

同異筌三教之幽蹟將以降照群疑敦集作敷化率土屏浮

詞於玉殿緝經集作精義於金門一變儒風再揚道要凡百

士庶集作庶士非罔不知歸臣等幸侍軒墀親承至訓抃躍之

極實倍恒情望宣付史館謹奉狀陳賀以聞

賀西幸改期狀

前人

右臣等今日面奉進止西幸有日般運已去仍聞京畿百

姓猶有未安儻來歲非熟下無所向集作下人無向朕雖至彼復

有何情欲延期至來冬待看穀麥卿等商度以為何似臣

等具奏洛陽城闕雖曰皇都至於宮苑之間制度本狹然  
風土氣候不甚宜人陛下以萬姓爲心萬姓以陛下爲命  
億兆所繫誠在聖躬聖躬若安何顧小小陛下遂當寧動  
色再降德音苟利於人朕何顧惜發言惻隱感動神祇臣  
等幸聞至言不覺承曉聖恩愛育遂及於此又勅臣等商  
量進來者湛恩至德焉可使朝臣不知聖恩鴻名不可令  
史官無述臣望宣聖旨改用來年十月幸西京仍望具將  
本狀遍示朝列并宣付史官臣等不勝感戴踴躍之至

文苑英華卷第六百三十五

文苑英華卷第六百三十六

狀九

賀中

賀祥雲見狀二首

賀上仙公主靈應狀一首

賀昭陵徵應狀一首

辯日傍瑞氣狀一首

賀太陽不虧狀二首

為宰相論月應蝕狀一首

為政事賀雨狀一首

賀祈雨有應狀一首

賀雨晴狀一首

賀麥登狀一首

為政事賀苗稼狀一首

賀祥雲見狀

張九齡

右臣等伏見道門威儀司馬秀表稱今月十日夜陛下親臨同明殿道場為宗社蒼生祈福有祥雲見伏惟聖德以

精意

集作至

動天天意以膺蜚符聖其感甚速豈云玄遠

集作

其應豈遠

陛下肅

集作聖

敬之深勤恤所至靈心如答神道何言

自表休期以介景福生人大賴天下幸甚臣等忝居近侍  
倍百恒情謹奉狀陳賀以聞伏望宣示史館

賀彩雲見狀

張說

右伏奉恩旨今日屬下元賜臣等寺侍從昇降聖闕禮謁大  
聖尊容行香之際日西南有彩雲見者伏以大道無形至  
誠斯應上玄降福感而遂通步祛羣陟於齋宮虔脩香火彩  
雲生於曉日遽發祥光是知聖德與天心合符萬靈與群  
仙叶贊臣叨陪侍從如昇汗漫之遊承恩禮謁更覩氤氳  
之瑞榮幸之極千載一時無任欣慶之至

賀上仙公主靈應狀

張九齡

右臣等伏奉今月八日上仙公主靈座有祥風瑞虹之應

爰至啓殯乃知屍集作尸解又承特集作稟清靈薄於滋味素含

真氣自不食鹽泊乎集作于遷神集作又標奇跡伏惟聖系本於

道源妙有所鍾靈異必降不然集作有何得幼而能悟性與非

常適來以時且契於玄運超然而脫集作復昇於丹籙杳

冥雖遠髣像如存則知仙路有歸慈念已釋理絕今古事

昭聞見况臣等親侍軒墀幸聞仙解無任感慰之至伏望

宣付史館以昭靈異仍望宣示百官謹奏

賀昭陵徵應狀

前人

右御史中丞徐暉從京使還向臣等說妖賊劉志誠四日

從咸陽北向集作原向南見昭陵山上有黑雲忽起志誠謂

其凶徒云此雲將有暴風若衝頭立恐有破敗志誠久從

軍伍頗解雜占其言未畢颺風果至直衝行首莫不昏迷

衆心驚惶不知所出及至便橋之際竝即散走又見父老

云往年權梁山之徒將逞不軌當時亦有烈風暴雨發自

昭陵北集作此至京城賊還破滅謹參往事與今同符者伏

以閭閻賤類竊敢猖狂而祖宗威靈亦已玄鑒昔年感召

若命蚩尤今日驅除更徵集作假風伯所以妖烝集作氣自殄

狡計莫施頃集作晷刻之間逃形無路此皆神功潛運昌曆

無窮將俾孫謀用昭聖德事堪懲惡可以垂後無任慶悅

之至仍望宣付史館集作官并示朝列謹錄奏聞謹奏

辯日旁瑞氣狀

元稹

本月二日日旁瑞氣右奉宣其日日上有橫赤五色氣鮮  
明黃潤日兩邊各有嘉氣內赤外青宰相稱賀云是五色  
雲見不知是否者臣謹按乙巳占有赤氣橫在日上謂之  
戴其分當益土進爵推戴人君之象又人君當立王侯封  
建親戚以爲覆祐之徵竊見其昌除王僭郭釗田布等官  
則陛下凡有舉措盡合天心徵臣所引占書悉皆明驗伏  
請以戴氣宣付史官不可誤書五色雲又云青赤短小在  
日旁謂之珥微曲向日謂之抱珥者纓珥之象天子有喜  
兼集作并有和親之事又當拜將抱者扶抱向就之象隣國  
臣佐來降天子有喜賀之事子孫之慶臣下忠誠輔主國

中歡喜和合今北狄和親西戎通好時者承允請命其日

三將同昇萬姓歡呼四方來賀亦可謂陛下九有舉措盡

合天心微臣所引占書悉皆明驗伏乞集作請亦以抱珥宣

付史官不可誤書五色雲見以前件圖籍作載如右伏以

五色慶雲蓋是小瑞戴氣抱珥所謂殊祥宰臣忽遽之間

未暇精究其事此皆陛下禮行郊廟誠達神祇展百拜而

忘疲入九室而流涕近臣興感上帝垂休克呈捧日之祥

以展集作表動天之德微臣同霑侍從別感恩慈方當鼓舞

之時恨不叫呼而賀然臣以為陛下特宣手勅宰臣云今

月二日卿等所言日旁五色雲見叅驗圖書蓋是戴珥之

象此皆祖宗積慶特示子孫之祥豈冲耿微誠能致昊穹

之祝宜令所司擇日告廟上以奉高祖無窮之祐次報



之貺宜令所司擇日告廟上以奉高祖無窮之祐次報憲  
崇有截之功誕告華夷竝令知悉若此則陛下感通之德  
已見九霄推讓之風將傳萬葉爛然宸翰手勅以示於天  
下集作宰臣煥乎天文撰詔自生於聖旨事超萬古道冠百王  
伏惟天恩密賜裁察

賀太陽不虧狀

張九齡

右今月朔太史奏太陽虧據諸家曆皆蝕十分已上仍帶  
蝕出者今日日出百司瞻仰光景無虧臣伏以日月之行  
值交必蝕筭數先定理無推移今朔之辰應蝕不蝕陛下  
聞日有變齋戒精誠外寬攻刑內廣仁惠聖德日慎災祥  
自珥若無表應何謂大明臣等不勝感慶之至謹奉狀陳

賀以聞仍望宣付史官以垂來裔

同前

蘇頌

臣等伏承太史奏昨一日太陽虧陛下爰發行宮不御常

服聖慮淵

唐諱

默天情寅戒頓于行在不可榮社以責陰九

厥觀瞻不殊登臺而視朔自亭午過晡申寒沍成春

溫一作

陽光轉大伏惟皇帝陛下續千歲之統擁三神之休道洽

功成增高益厚金繩玉檢軌跡於前聞日觀雲封降祥於

即事且疇人察序太史宣職以曆而推式聞常度至時不

蝕乃自殊祥陛下昭事於上天天昭答於陛下若是之

速其何響會非常之祉孰不忻懼臣等忝預從臣無任踴

躍慶抃之至

為宰相論月應蝕狀

前人

臣近者特奉玉階親承聖旨伏知今月十四日夜月蝕當盡此驗非遠即胡滅之祥臣以為太陰之蝕必在於望太

史司占不言邇日聖人同契果應先天而不測為

一作神為謂

前知者聖臣昨宵將暝精慮仰觀初則桂魄正圓俄見莫枝遂缺乙夜之後所蝕便既臣載欣載躍聞所未聞但恐

默啜禍盈命危勢蹙百年之運晷刻當窮三象之微蔽虧

先肇

一作見

臣等忝階近侍喜萬恒情無任欣躍之任

為政事賀雨狀

前人

頃者西郊不雨南陸憊陽上動聖情下憂農事一人以禹湯罪已百姓以堯舜為心知天人之合符非土龍之可致

德音朝降纔出於巖廊膏澤晚飛已周於城闕  
麥宜蚤秀日助晴光禾欲潤成歲知秋獲惟皇建極天且弗違用爾  
作霖臣復何補既叶夢魚之吉預占鳴鶴一作之期抃躍  
之誠萬萬恒品

賀祈雨有應狀

張九齡

右臣等昨面奉恩旨緣秋稼有望時雨暫愆念及黎元見  
于顏色方躬自祈請誠勤夙夜上靈昭鑒嘉瑞必臻昨日  
申酉之間雲物果應初含五色正覆於壇場未及終宵更  
洒於城闕遂使炎埃宿潤靈暑暫清實冀膚寸之資必集  
致普天之澤臣等多昧徒仰於成造蒼生何幸每及於  
聖私無任欣慶集作抃躍之至謹奉狀陳賀以聞既有殊

仍望宣示

集作付

史館

賀雨晴狀

前人

右今月十日高力士宣聖旨以霖雨淫

集作方

滯有害稼穡

之憂將親禱上陽三日內不坐精意朝發而重陰夕霽乃

數日已來遂致開朗誰謂天遠其應甚速遂得麥秋有望

蠶事且登則知至人無心與天地合契神功潛運豈陰陽

不測伏惟陛下明德自廣兢業載懷所致休徵必加謙慎

天聖相合福施群生日用不知年和在此臣等無功

集作能

翊佐徒忝近密每有大猷承奉不暇無任欣戴慶躍之至

賀麥登狀

前人

右今日高力士宣垂示臣等皇太子表以嘉麥有成陛下

躬執勞事率先兆庶皇太子以集作下繼美聖功臣聞勤

於稼穡必有麩麥之慶著在春秋則非他穀之比伏惟陛

下致敬宗廟屬意集作黎元春郊順時則千畝在御禁園

測候則萬寓皆豐况云立訓天人降尊農務上靈昭德已

聞瑞日增輝當夏集作不疲則有祥雲自覆是彰敦本之

化式旌造物之功人謠在茲天意可鑒且禹之盡力堯實

用心史冊美談帝王成集作範未有休徵神應若斯之盛

者也以今况古千載未聞請付史官天下幸甚臣等叨榮

近侍倍百恒情無任感戴抃躍之至

為政事賀苗稼狀

蘇頌

若臣等昨面奉聖旨以近日暴風雨恐麥有損陛下務農

在候輟膳終朝憂勞之甚起居不懌臣等聞重華之德曷  
發用心夏禹則爲人先成湯自以身禱求諸往事未或前  
聞天與聖符風將雨止杲杲之日吐扶桑而已霽芄芄之  
野合岐麥而皆秋仍滋北里之禾更潤南山之豆京城可  
望不知日用之功旒宸注懷尚切在予之念臣叨陪近侍  
親奉德音上貽慮於納隍下增憂於拆鼎無任惶悚之至

宋齊音土祖  
 聖不映日照  
 聖合如泰而  
 天與聖林風  
 入我如燕自  
 良辭亦樂於  
 年未及也

英華卷第六百三十六

英華卷第六百三十七

狀七



文苑英華卷第六百三十七

狀七

一賀下

賀剋捷狀一首

賀誅賊狀一首

賀退賊狀一首

賀破突厥狀一首

賀東北累捷狀一首

賀賊自相誅滅狀一首

賀破吐蕃狀一首

賀靈武破吐蕃狀一首

爲昭義李相公賀雲南歸附狀一首

賀破渭北党項狀一首

賀斬僕固瑒狀一首

賀破高玉狀二首

賀韓僕射克招討使狀一首

賀破賊兼優卹將士狀一首

賀行營破賊狀二首

賀剋捷狀

張九齡

右高力士宣示臣等張侍賓表臣等前因奏事親承聖旨

懸料數日當

一作必

有捷書及此使至皆如虜畧但狂胡背

誕圍逼軍州

一作州城

凶力固已困窮邊城一無所損臣等伏

料此賊早是破傷大眾自遠方來

四字集作遠來

踰月乃去馬羸

則多死人苦則計生本是烏雜之徒足為

集作微

破亡之漸

此皆皇威遠讐氛祲坐銷豈伊邊人所能自保臣等幸忝

樞近承奉聖謨邊捷有符不勝慶悅謹奉狀陳賀以聞仍

望宣付史館謹奏

賀誅賊狀

前人

右蓋嘉運奏北庭解圍仍有殺獲蘇祿背德敢此讐天盡

犬豕一來犯軍鎮雖肆凶毒欲逞其心而邊兵無遺鏃之

犬羊來犯軍鎮雖肆凶毒欲逞其心而邊兵無遺鏃之  
費狂賊有輿尸之禍此皆陛下聖武將士龔行遠必叶謀  
動無遺策能令氛祲坐自廓清臣等每集作奉密謀屢承  
獻捷踴躍稱慶倍百恒情謹奉狀陳賀以聞謹奏

賀退賊狀

前人

右高力士至宣勅示臣曹待宣奏狀知蘇祿遁逃

集作走入

山出界者四鎮懸遠比被侵逼將士用命雖有誅鋤凶黨

集作徒

尚多時

集作日

有抄掠兵疲矢盡爲弊亦深今自奔亡

誠是震懼聖威及遠氛沴坐銷又北庭救兵當時迴旆不  
費軍廩事且無憂吐蕃縱實西行蘇祿不得相應其敗可  
必又無可憂邊事且寧不勝慶慰謹奏狀陳賀以聞謹奏

賀破突厥狀

右張守珪表奏突厥四萬騎前月二十五日至能訖離

一作

鷄山契丹涅禮等前後斬獲俘馘數逾十萬突厥可汗棄

甲逃亡奚王李歸國及平盧軍將等追奔逐北計日殲滅

更聞奏者伏以突厥新立輕事用兵彼之威衆在於一舉

又兩蕃與其結隙交構未深在於邊隅猶軫天筭陛下料

其終始指授規模知其舉衆

集作  
鍾

盡來本自無策勞師襲

遠必合成擒使蕃騎先鋒漢軍堅壁坐觀成敗自戰蠻夷

今契丹纔交突厥已破計其奔北必至喪亡從脫身獲全

亦舉衆皆棄醜

集作  
此

虜震懾從此氣衰東胡保邊永不搆

二寬僇罷析自此可期皆聖德遠覃皇威遐振事無遺策

舉不失苗臣等忝跡樞近親承睿畧忭耀之至倍百恒情

舉不失齒臣等忝跡樞近親承睿畧忭躍之至倍百恒情  
謹奉狀陳賀以聞謹奏

賀東北累捷狀

右今日劉思賢至奉宣聖旨垂示臣等破賊所由兼見守  
珪表奏具承契丹累捷伏以聖武所加制勝者無失天威  
不抗犯順者自亡突厥負衆背恩窮凶遠襲兩蕃懷德誓  
死知集作歸三軍奉國從命如措遂使一戰便克已聞殺

傷無筭慟哭而奔則知主將必死且蠻夷相伐我則不勞  
疆場有虞義亦奚失固知無愆信於漠北有大造於燕垂  
此實獨斷神謀事皆有預萬全之策未靜邊隅薄伐之師  
匪勞中夏九在黎庶孰不欣躍臣等忝預樞近倍百恒情

無任慶悅之至

賀賊自誅滅狀

前人

右高力士宣示張守珪所上逆賊契丹屈烈及可突于等

首級此等惡稔喪敗將及故天誘其衷既降又二而感義

之士惡其翻覆背恩之賊已就集作既已誅鋤幽障廓清華夷

俱靜計其餘噍求無動搖陛下邊任先擇聖謀獨斷克稟

成命樹此戎功且知河朔無轉輸之勞林胡為賦稅之地

臣忝在樞近預聞遠績捷書之至喜倍恒情謹奉狀陳賀

以聞謹奏開元三十二年十二月

此篇元誤編在五百六十六卷表門今已移入于此

賀破吐蕃狀

張說

右臣等伏以涼州遙稟神筭大振天威吐蕃小醜應時摧

右臣等伏以涼州遙稟神筭大振天威吐蕃小醜應時摧  
敗元惡渠魁乘勢俘戮隻輪疋馬坐見無遺雖虞舜之格  
有苗黃軒之征涿鹿未有廓清氛侵如今日之盛者臣等  
無任慶快之至

爲昭義李相公賀雲南蠻歸附狀 崔行先

臣某等伏承雲南群蠻率其類八國獻款歸附以其月日  
至于闕下臣伏惟皇帝陛下端拱九重高視千古聖謨廣  
運方昭不宰之功至德柔遠是有非常之慶不然者荒陬  
蠻貊左衽烏言文軌未通嗜慾有異不知父子之性獨識  
皇王之恩此皆天誘其衷神助其請歸我龍德革彼狼心  
豈假渡瀘之師俄同兩階之舞夏啓之征有扈高宗之伐

鬼方書之載籍適足慙耻臣限以守職藩維典茲戎旅不獲隨列稱賀抃舞丹墀之至

賀靈武破吐蕃表

令狐楚

此表當在五百六十七卷賀捷表門今已移入姑存其目

賀破渭此党項狀

于邵

右臣得所由報破前件賊者伏以作逆者皇穹所誅阻兵者黔首共棄此賊與懷恩同惡俱爲不道昨率其蜂蠆犯我郊畿奉天之衆振其前邠州之軍制其後彼進無所入退知難歸尚肆貪狼更爲封豕毆侵縣邑剽掠居人光進仗天之威首殲魁孽杜冕賈士之勇再掃殘妖旣已誅其



鯨鯢佇見傾其巢穴凡在戎旅孰不歡欣臣忝惣兵權倍  
萬恒品

賀斬逆賊僕固瑒狀

前人

右臣某日於華州下邽縣東乾坑店下營伏承中使某昨  
日於路將逆賊僕固瑒首級過上都者伏以前件賊夷狄  
雜種素無令望本因行陣得踐榮班當將帥之權効錐刀  
之用幸憑廟筭頗立戰功陛下嘉其成效寵以非次謂能  
盡節翻構異端兇惡貫盈人神共棄今引頸受戮傳首而  
來率土之人不勝大慶子旣伏罪父必成擒掃蕩妖氛在  
於旬日臣忝司戎律倍萬恒情逕廻路隅踴躍忘倦無任  
慶快之至

賀生擒高王狀

前人

右臣得澤潞節度兼鳳翔秦隴臨洮觀察處置等使李抱  
玉今月二十日牒稱先鋒將柘秀等十一月於南梁州大  
雪嶺北破前件賊黨殺戮四千五百人生擒高王妻及男  
女二人并獲牛馬八千頭匹器械三千餘事又得李抱玉  
今月日狀稱於南梁州城固縣界擒高王訖伏以此賊因  
依山險嘯聚甲兵蟻圍郊畿之間鳴張邑屋之下西與大  
戎連接北與逆豎交通更唱迭和窮兇極惡人神所棄覆  
載不容李抱玉處奉睿謀深入其阻始則俘其逆黨終用  
覆此凶渠巖究一作谷以之風行雪林由其電掃威靈遠暢  
兆庶同歡在臣微誠倍萬恒品

賀破高王賊狀

前人

右臣得孫志直狀報具件如前伏以此賊嘯聚日久兇逆實深在於邦畿頗懼辛蠻既與犬戎相結又共懷恩合謀若二寇比來必為內應孫志直忝承廟筭討伐殘兇既斬級以擒生遂傾巢而落邠蕃渠失援邊烽可息一作瞬臣忝物戎倍萬恒品

賀韓僕射克招討使狀

令狐楚

右中使臣希倩至伏奉詔書吳少誠比令招討都不悛心今以韓全義克蔡州行營招討處置等使臣當軍兵馬令取全義指揮上官說克招討副使令臣使人詣一作於行營所撫慰將士仍令激勵臣伏見逆賊吳少誠殘喘微生

文苑英華 卷一百三十七  
飛賤品敢違帝命來即靈誅陛下天覆爲心雲行其德念  
日月所照九州攸同哀陷穽之中一夫不獲懸申詔旨開  
賜生全而長惡未悛執迷不復凶逾殛繇聲極吠堯今旣  
慎選武臣盡驅猛士威聲先路實勵於震霆剪滅剋期必  
同於沃雪欣歎奮激倍百恒情當道應行營將士等悉廉  
感怒畜力候奮指蹤示處旣以得人致命捐軀必應無致  
臣即準詔差人轉往慰諭仍切加激勵冀申微効用答深  
恩不任悃欵之至

賀破賊兼優卹將士狀

前人

右中使臣希倩至伏奉詔書得全義物率諸軍已入賊界  
四月二十七日大破賊徒并擒斬生級如有身死王事者

已委全義竝給棺槨送歸本道令臣五年莫停衣糧者吳  
少誠吠滄下流不朝于海根羸弱植自絕於天陛牢之中  
鳴吠未已今霜鋒雲集月羽風馳旣壓賊軍纔聞僂鼓將  
摩寇壘已見靡旗實廟堂知先勝之形校隊陳爭登之力  
誅鋤有次茂殺無難凡在方隅不勝欣抃臣伏以雖忠不  
烈戰士所羞視死如歸武夫之志伏惟陛下弘天覆疇爲  
日照臨載激怒肝爰收膚骨漢世徒頒其檣櫓義闕送終  
周詩縱裹其糒糧賞延非嗣以今觀古奮一當千臣獲守  
邊陲叨居將帥無任感激之至

賀行營破賊狀

前人

右臣得當道行營兵馬使李黯狀報諸軍兵馬四月十七

日從臨穎縣三道齊進二十七日過澗水縣張村下營問  
探知桑林中有賊遂與接戰大破賊軍擒生斬級不知其  
數者臣伏以天道無親助其効順人生有欲患在不安今  
逆賊吳少誠深入禍門自沉且咎執迷不復謂暴無傷去  
至安而即甚危棄大順而為巨逆避日月之照干雷霆之  
誅尚假息于寸陰敢偷生於數刻今者將從天落兵若山  
行濟澗水而不濡隔偃城而欲斷長蛇之首尾如截應接  
自難狡兔之窟穴已焚死亡無所方當破竹猶繫苞桑剝  
銳氣以長驅抗威稜而直指困雖猶闢亂不能軍旣摧衆  
惡之鋒必喪元兇之膽以愚籌度不日掃清臣忝守戎旃  
無任忭躍憤激之至

賀行營破賊狀

前八

賀行營破賊狀

前人

右臣得當道行營兵馬使李黯狀報今月十三日於故信  
州城下破賊三千人斬首七百餘級者臣伏以舉止或高  
則無所措退藏多密罔或不亡一作知逆賊吳少誠用已之  
愚劫人爲惡唯日不足謂天可逃自韓全義稟受廟謀惣  
齊力士橫行於境深入其郭兵才交鋒寇已亂轍以羸師  
之骸罌胷穢草而腥林疲馬之命委離裝壕而咽塹寔由  
奪其信幟拔彼懸門遂使戰野者不知所歸守陴者無從  
而出兇徒風散叛卒星分亦足以快帝怒於高天宣皇威  
於下土况臣任當旄鉞誓掃氛祲慶抃之情實萬恒品所  
守有限不獲稱賀闕庭無任屏營之至

文苑英華卷第六百三十七

<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>
------------	------------	------------	------------	------------	------------	------------	------------	------------	------------

...

...



文苑英華卷第六百三十八

狀十一

薦舉上

南海舉給事中穆質自代狀一首

舉杭州刺史常臯自代狀一首

桂州舉前容管經畧使嚴公素自代狀一首

舉常況自代充太子賓客狀一首

舉楊憑自代充兵部侍郎狀一首

舉崔邠充太常寺卿狀一首

舉崔邠充自代禮部尚書狀一首

薦道州刺史呂溫狀一首

薦昭州刺史張繇狀一首

薦劉孟脩狀一首

奏薛芳克支使狀一首

薦李晏肅楚狀一首

代人舉蔣係白代狀一首

代人舉周敬復自代狀一首

南海舉給事中穆質自代狀

馬惣

右臣伏見前件官才畧過人清貞出衆早若省闈鬱有政  
聲官敘已高時望仍重爰自出牧美績尤彰正直不回沉

毅能斷伏

一作特

乞以臣官授之於質則必能鎮靜方域輯

和蕃戎臣之才能誠所不逮官謗易召榮福難叨伏希聖

慈允茲誠請則君無妄授之義臣無虛受之名不勝懇切

愧覲之至

舉杭州刺史常臯自代狀

裴冕

右臣在福建與常臯鄰近諳其為政甚得人心逃亡悉歸  
遠近皆悅頃在京兆以公造出官今領餘杭以理行高第  
馮異漢之名將初為赤眉所敗俄又大勝光武降璽書勞  
曰昔雖垂翅回谿今乃奮翼澠池可謂失之東隅收之桑  
榆矣臣以為常臯之功亦馮異之比往雖小失今亦大理  
陛下既捨其過而使之則必必一作人心激勵其氣有倍匹夫  
一言相為而死况君臣之義誰不感恩

桂州舉前容管經畧使嚴公素自代狀 李渤

右臣伏準建中元年正月五日制觀察使上後三日舉一

人自代者前件官曾任容管經畧使行朝廷威恩得蠻夷  
畏愛可以備方隅之任惣廉察之權使其處臣之官代臣  
之職必能曠悍柔服谿洞乂安伏乞聖慈允臣所薦臣某  
不任誠懇之至

舉諫義大夫常況

集本有全啣  
英華不錄

自代克太子賓客

狀

權德輿

右伏準建中元年正月五日制常叅官上後三日舉一人  
以自代者前件官含和抱素晏息道樞循性履方遠跡聲  
利徵拜諫列乞歸故山實有古風可弘集作教本伏以賓  
護之任道德所宜不嬰事物時謂清重正職員於三品列  
商皓於四人豈臣小生忽據尊秩久於塵玷自速慙尤過

蒙恩私猶處優禮俯仰慙灼上負聰明賦祿命官必歸眷  
顧以臣負罪非所克堪推賢讓能朝有恒制大僚厚德慶  
洽時情謹錄奏聞謹奏

舉散騎常侍楊憑

同前

自代克兵部侍郎狀

前人

右伏準建中元年正月五日制常參官上後三日舉一人  
以自代者前件官曠度備才明誠直道卓爾山立不隨波  
流自踐朝倫時推公器話言形於風槩聲猷發於事業庶  
政根本在於南宮臣以庸虛五贊其職憑積望實未階茲  
選物議時情共知不可輒量力以循分期類能以審官庶  
允至公以明朝典謹錄奏聞謹奏

舉吏部侍郎崔邠

同前

充太常卿狀

前人

右伏準建中元年正月五日制常叅官上後三日舉一人

以自代者前件官才茂識精密靜弘遠集作遠久於右掖再

履南宮儀曹取士聲實不惑少集作小宰掄材流品皆叙伏

以奉常典禮首冠群卿古今盛選不可虛授以臣愚薄累

奉恩榮前後職官無非濫忝逮今獎命尤懼非宜將可以

叶和人神祗肅郊祀跡邠公望當處大僚循分讓能朝有

彛典謹錄奏聞謹奏

舉太常寺卿崔邠前同自代克禮部尚書狀 前太

右件官器行端茂文學弘深自中書舍人歷代禮部吏部

二侍郎太常卿皆與臣交代諳其政事伏準建中元年正

月五日制常叅官上後三日舉一人以自代者臣頃待罪

非據首尾四年無補休明合當譴黜聖慈寬宥循守本官  
受恩之日惶駭失次又蒙特令宰臣奉宣進止獎飾慰喻  
至于再三謂臣更無罪過恐臣妄有憂懼承命震灼感入  
肺肝宰臣退免未有斯比實當怵惕之際再沐生成之恩  
臣以違奏近侍不合申謝慮煩省覽不敢拜章輒因舉代  
之時特荷非常之澤况宗伯秩禮選任重難以邠代臣實  
允公望謹錄奏聞謹奏

代李中丞薦道州刺史呂溫狀

溫自作

右臣伏以前件官操履有恒吏事精舉處繁簡肅辯欲詳  
明尤於撫綏實著効績今道州賦稅畢集流亡盡歸虔奉  
公程日至清淨委心於理古人不如衡州凋弊累年常積

逋欠實籍財用以安疲黎伏望除衡州刺史臣職當廉察  
上奉詔條觀善薦能臣合竭節七州之事敢不精詳前件  
官小心理務夙夜奉公才識出人效績尤著况通州風俗  
獷滑前後難為緝綏自溫條理已來疲人盡皆蘇息觀其  
能政堪為表儀臣輒舉所職上達聖聰伏望天恩乞臣所  
請云云

薦昭州刺史張恣狀

為人作

令狐楚

右臣伏準貞元六年十一月八日勅旨自今已後諸州刺  
史縣令以肆考如理術尤異實効可稱考滿日委觀察使  
錄事跡以聞特加獎擢者前件官守文惟謹持法甚精清  
廉有餘貞固無比臣伏見嶺南風俗惰嬾苟避征徭易成



逋竄張孫憂人若已理郡如家勸課農桑置立保社移風  
為敦厚之境徵賦無慘急之名周旋六年其道一致臣猥  
司廉察忝守方隅以所見聞恐湏甄錄

云云

薦劉孟脩狀

為人作

前人

右件官業傳忠厚雅尚文儒貞白居心公勤守職累曾試  
用皆著清廉頃崔漢衡在晉州日奏授殿中侍御史克都  
防禦判官直道不回正詞無隱賓僚之內裨益甚多知是  
公才豈一作為叅佐屢詳疑獄心盡哀矜嘗判劇曹事無  
留滯臣是以錄其勞効奏請改官伏蒙聖恩特授前件官  
今赴闕下奉詔旨不敢乞留臣伏以孟脩自有幹能誠堪  
任使所知微分輒敢薦聞干冒宸嚴伏增戰越

奉薛芳充支使狀

為人作

前人

右件官蘊蓄公才精勤吏道文章史傳無不該通大曆末則與臣及徐泗節度使張建封同事故馬燧作判官建中三年曾以公事直言不合其意遂被奏受交城縣令及有政績褻然疲羸悉安征賦皆辯臣以其囚居畿令兩任法官有學有才堪為賓佐委令推斷無不詳平與之籌畫多所裨益相諳相識二十餘年滯屈最深實希榮獎伏望天恩特賜改官充臣觀察支使

薦李晏常楚狀

太和六年

白居易

朝議大夫前使持節海州諸軍事守海州刺史

上柱國李晏

看前件官比任海州刺史被本道節度使配諸州稅麥一

例加估徵錢晏頻申論集作奏恐損百姓本使稱用軍事切

不得已而從之及被人論朝廷勘覆責不聞奏除削官集作

削階替雖在法則四字集誠合舉行於晏則集作為獨屈况

晏累為宰牧皆著良能清白公勤頗聞於眾自經停罷已

涉三年退居洛陽窮餓至甚身典三郡家無一金據此清

廉別堪優獎又建中初李正己與納連及汴河阻絕轉輸

不通晏先父洧郎正己堂弟為徐州刺史當叛亂之時洧

以一郡七城歸國效順棄一家百口任賊誅夷開運略於

集作咽喉斷兇渠於集作右臂遂使逆謀大挫妖寇竟消

從此徐州堦橋至今未為內地如洧之子實可念之臣伏

以洧之忠功不可忘晏之吏材不可棄伏希聖念量授一

官庶使廉更忠臣聞之有以

集作所

激勸

伊闕山平泉處士

常楚

右件人隱居樂道獨行善身斂跡市朝息機名利况家承

集作傳

簪組兄在班行而楚獨栖山卧雲鍊氣絕粒滋味不

接於口塵埃不染于心二十餘年不改其樂志齊箕穎節

類顏原縉紳之間多所稱歎臣為尹政理合

集作合具

薦論雖

飛鴻入冥自忘飲啄而白駒在谷亦貴繫維儻蒙真彼周

行縻之好爵降羔鴈之禮命助駕路之羽儀足以厚貞退

之風過躁進之俗茲亦盛事有裨聖朝

以前件謹具如前臣伏以念功振滯前王之令猷貢士推

能長吏之本職其李晏尹弼楚等竝居府界不踐公門臣實  
請知輒敢論薦有涉塵黜無任兢惶謹具奏聞伏聽勅旨

代人舉周敬復自代狀

杜牧

前件官執德以進嚮道而行藹有令名備歷清貫掌論言

於西掖才稱發揮叅密命於內庭衆推忠慎自珥貂近侍

主筭

集作鑰  
通用

東門聲實益重於縉紳磨涅始彰其堅白伏

以南省實天下根本兩丞爲百司管轄苟非其選必致曠

集作  
敗

官今若以臣所任迴授敬復庶能肅清臺閣提舉綱

紀旣曰陟明實不虛受伏乞天恩允臣所請

代人舉蔣係自代狀

前人

伏準某年月日勅内外文武常叅官上後三日宜舉一人

自代者伏以前件官仁義素彰文學早著揚歷臺閣宣昭  
令名嘗為諫官無所避忌及領藩鎮實惠疲羸頃者不附  
權臣例遷佐官今逢明代猶典小州伏以封還詔書駁正  
時事職業實重選擇宜精今若以臣此官迴與將係既不  
虛受寔曰集作陟明伏乞聖慈允臣所請

文苑英華卷第六百三十八

終

文苑英華卷第六百三十九

狀十二

薦舉下

爲濮陽公舉人自代狀一首

爲尚書渤海公舉人自代狀一首

爲懷州刺史舉人自代狀一首

爲滎陽公奏一作舉王克明等充縣令主簿狀一首

爲滎陽公舉人自代狀一首

爲鹽州奉李孚判官狀一首

爲濮陽公奏韓琮等四人狀一首

爲安平公奏杜勝等四人狀一首

薦前漢州刺史薛元賞狀一首

薦前淮南節度掌書記殿中御史狀一首

薦澧州刺史崔雲狀一首

薦觀察判官陸暢請章服狀一首

為薦濮陽公陳許舉

集作請

人自代狀

李商隱

右臣伏準某年月日勅内外文武官上後三日舉一人自

代者臣伏見前件官纒卻舊族鄒魯名儒鏡納無私

集作瘦

山高不讓而又循牆戒切銘座規深蘭省辭榮竹符出守

漢悲來暮晉有去思晦而轉明

集作彰

澆而尤白既還綸閣

復掌禮闈人驚吞鳳之才士切登龍之譽

集作望

及司版籍

以副地官比按西羗孤忠靡失

集作按比罔差初終靡失

居然國器實

映朝倫今汚水無兵武昌非險用為廉問尚鬱廟謀臣斲

部乃秦韓戰伐之鄉周鄭郊圻之邑軍踰千乘地控三州



部乃秦韓戰伐之鄉周鄭郊圻之邑軍踰千乘地控三州

藉以代臣必為名將敢希睿澤曲遂愚衷俾寬竊位之譏

冀受集作獲進賢之賞干冒陳薦無任兢越謹祿奏聞伏聽

勅旨 某官崔蠡前在

為懷州刺史舉人自代狀 前人

右臣伏準建中元集作一年正月五日勅內外文武官到任

三日舉一人自代者臣伏見前件官汾陽啓胄沙麓遺芳

佩觿之辰平居不戲加冠已後出言成章本以詩書綽有

機斷奉陰郭之良躅集作微御集作御非馬鄧之明集作成規臣以

集作與其祖禰已來藩宣相接雲臺高議同承鍾鼎之餘麟

閣舊圖共著河山之誓交深志見年齊道均今河內名邦

單懷巨郡南蕃鳳闕平分晉鄭之交北控羊腸方有干戈  
之役推讓雖循於故事薦聞實切於私誠伏乞聖恩特免  
臣志無任感恩推賢之至謹錄奏聞伏聽勅旨

為尚書渤海公舉人自代狀

某官周墀

右臣伏準某年月日勅内外文武官上後舉一人自代者

伏以京邑為四方之極咸秦乃天下之樞必命英髦以居

尹正臣謬蒙抽擢素乏材能將何以風彩章臺羽儀華園

集作

况又方營咸

集作

鄙畢肇

集作

園陵苟推擇之不先

則顛覆而斯在前件官莊栗以裕簡嚴而寬王無寒温松

有霜雪頃居内署實事文皇引裾而外朝莫知視草而中

言罔漏洩分符近甸廉印雄藩不徇物以沽名善推誠而

立斷渾集作若全器宜乎在庭儻召以急宣被之眷渥必

能明張條目峻立提防肅千里之封畿集作五都之貨

殖軒英華作臺禹穴無虧克奉之儀漢苑秦陵盡絕推埋

之黨特乞俯迴宸斷用授當仁免今日之叨恩冀他時之

上賞干冒陳薦兢越伏深

某官崔龜從

伏以內史故事例帶銀青尹正舊儀平揖令僕必資髦碩

方備次遷臣特以鯁儒猥丁昌運位崇八座官紹三王况

駕有上僊居當晏出務煩廐置役重津途儻讓爵之不思

則敗官而斯疚前件官荆岑挺價赤堇楊鋒稟松筠四序

之榮包金石一定之調由中及外自誠而明昨者故鄣利  
遷朝臺受律隱之清節無媿於投香江華歸資唯聞於卑  
舸必能集同軌之會奉因山之儀使桴鼓稀鳴建瓴流化  
伏乞特廻鳳詔以命龜從成聖朝棫樸之詩減微臣維鷄  
之刺干黷旒袞伏用兢惶

爲滎陽公舉王克明等克縣令主簿狀 前人

以前件狀如前伏以臣所部控聯谿洞叅錯蠻髦水接重

湖山當五嶺縱有天官注

集作恣非

擬多緣地理幽遐或不出

上京已發徒勞之歎或暫來屬邑即聞歸去之辭旣經久  
而不謀亦柔良而曷寄臣謬膺廉部慮在曠官儻旬朔以  
無言則賦輿而必闕前件官或膏梁遺胄或英俊下僚雖

輒久從試吏假之銅墨有意心於鳴琴委以簿書不

寓選輒久從試吏假之銅墨有意於鳴琴委以簿書不羞  
其棲棘旣聞績用合有甄昇一則復遠俗之凋殘一則輕  
微臣之憂責苟事因請託跡涉倉卒殘將有負於斯人豈敢  
逃於舉主伏乞希早聽咸賜即真干冒宸嚴無任兢越

爲滎陽公桂州舉人自代狀

某官裴侔

右臣伏準某年某月日勅內外文武官上後舉一人自代  
者伏見前件官萑鄉茂族洛下名生處家國以必聞善兄  
弟而無瑜而又南輦耀彩東箭含筠身先較藝之場首出  
觀光之籍從外府而允稱賢佐立中臺而克號清郎洎時  
急昌言官登大諫楊阜常規於法服陳群盡削其封章實

於不拂之朝能守勿欺之旨臣所部俗分蠻徼地控越城  
藉威畧以靖封隅資簡惠而安疲瘵願迴殊渥以授當仁  
豈微敬仲英華作豈之才兼有伯游之長俯從牢讓方免  
曠官特冀宸嚴曲垂矜許干冒陳讓惶越無任

為鹽州刺史奏舉李孚判官狀  
前人

某官李孚

右件官克生公族早履宦途器實幹時辯能專對加之夙  
明韜畧久逐旌旃頃為已知屈從吏議許休文之流浪萬  
里非賒王仲宣之播遷三年未遇儉而不對困且能通雖  
何恤於無家良可悲其絕籍去歲以惟新之命大洽鴻私  
亦既旋還合從敘用開成五年十一月十三日吏曹已注

亦既旋還合從敎用開成五年十一月十三日吏曹已注

右威衛倉曹參軍授官未謝又必家挾名除替初云牽復仍

迫屢空京口劉生方思鵝炙洛陽蘇子已弊貂裘方今崇

唐集作帝堯敦厚之恩推魏文光榮集作樂之旨豈令棄良材

於散地化王孫為英華作於非旅人臣素乏器能叨膺任使控

綠池之要地守清澤之堅城將已宣布威靈彈壓氛祲苟

咨謀失所佐理非材豈惟此軍聲兼且傷於朝寄臣深自

計孚實當仁况又得於諸宗且兼通舊諸葛均有因依之

分龐士元多鑒裁之恩是敢輒贖宸階乞榮賓席使得盡

其風力佐彼邊陲雖處平原之曩必將穎脫劔拭華陰之

上粗雪幽沉請依資賜授一官充臣防禦判官干冒冕旒

無任戰越

為濮陽公陳 奏韓琮等四人充判官狀

韓琮

前人

右件官早中殊科榮世雅度茲柔以直濟伏而清頃佐憲  
臺且丁家難當喪而齒未嘗見既祥而琴不成聲逮此變  
除未蒙抽擢臣頃居鎮守琮已列賓僚謀之既臧剛亦不  
吐願稽中選榮借外藩伏請依資賜授憲官充臣節度判  
官

段環

右件官言思無諂

集作邪

學就有道屢為從事掌佐正人加

以富有文辭精於草隸雋而且檢通亦不流臣所部稍遠  
京都每繫章奏敢茲上請乞以自隨狀請依資賜授憲官



充臣節度掌書記

裴蘧

右件官魯國名儒萑鄉右族松寒更翠馬老不迷臣昔忝

鑿

英華作  
監非

門辟為記空屬辭而夙構無異論兵而故校多

歸書

集作  
委

以前籌見其餘地伏以前任大理評事已三十

三箇月比於流輩已是滯淹伏請特授憲官充臣觀察支

使

夏侯曠

右件官藏器於身為仁士已齊莊難犯勁挺不撻臣任切

循良

集作  
耐循

務繁稽勾思留仙尉以重賓階伏請依資改授

一官充臣節度巡官以前件狀如前臣四朝受任三鎮叨

榮慕碣石之築宮廣延儒雅効西河之擁篲樂得賢才韓  
琮等竝無所因依不出請託久諧才地堪列幕庭伏希殊  
私盡允誠請謹錄奏聞伏聽勅旨

爲安平公兗州奏杜勝等四人充判官狀

杜勝

前人

右件官流慶相門榮名詞苑當仁罕讓見義敢爲符彩極  
高涯涘難挹臣前任已奏爲判官臨事而每見公方與語  
而必相弘益今臣寄分團結結佳小作任切訓齊將奉廟謨實  
在賓彥賜守本官充臣團練判官

趙哲

看件官洛下名生山東茂族仁實堪富天爵極高妙選文

場丞仕侯國珪璋特達蘭社芬馨今臣庶間大藩澄清列  
部籍其暮畫共讚朝經伏請賜守本官充臣觀察判官

李藩

右件官文囿馳聲賓階擅美口含言瑞身出禮門前任已

奏爲判官馭

集作  
遙

下而和易不流臨事而貞方有執今臣

移叅國用務切軍須實假平均以同計畫伏請賜本官充

臣觀察支使

盧涇

右件官博涉典經該覈流畧自魯璧所壞汲家之藏三篋  
能知五車盡究加之文采兼以器能前者爲臣屬僚掌在  
州推獄明斷而不容吏黯哀矜而莫有人寃今者團練之

司稽巡是切每

集作直

思獎勅

集作効

非敢用情伏請依資賜

授法官充臣都團練巡官以前件狀如前伏以長人者必

以吏分勞逸開幕者亦用士為重輕若不樹人何以報國

况臣素無勲効謬竊寵榮至於賢才敢恡筐篚前件官竝

推賓彥堪替藩條伏希殊私盡允誠請謹錄奏聞伏聽勅

旨

薦前漢州刺史薛元賞狀

張次宗

右件官明敏多才幹能有用嘗列班行之任亦專繁劇之

司廣漢在蜀川之中最為大郡凋瘵之後為理甚難流庸

自占者過九千家田業開闢者踰五百頃修兵甲則戎備

斯足置什器則公用有餘事無不周去有遺美臣任當

察備觀政能伏望聖恩特垂甄獎

薦前淮南節度掌書記殿中御史李躔狀 前人

右件官稟性端方臨事果毅有清介之節擅文華之名操

心不回居約可久臣去年有狀已具薦論累月在京未蒙

獎擢儻置之諫署或授以憲官視一作其為人必能稱職

輒再具論奏伏望天恩俯賜裁酌謹奏

薦前澧州刺史崔芸狀 前人

右伏以前件官業尚儒學才通吏事言行無玷終始可觀

有古人歲寒之心得君子時中之道所歷五郡去皆見思

或在危疑之中能全名節或當徵發之際不擾疲人自理

澧陽課績尤異得賦歛變通之法置郵館供待之資創立

隄防修繕城洫事必可久政皆有經臣任忝宣風諳其履  
行若在郡無此實効豈敢輒有薦論伏望聖恩特加獎擢  
薦觀察判官陸暢請章服狀  
前人

右件官植性謹和蒞事周敏詞賦中第篇什成名應物而  
精力有餘處煩而變通靡滯所委公事按牘甚一作雖多巨

細無遺部斷尤速領刑獄之重人自不寃頒庶察之條法  
皆可久準勅文使下檢校官凡至五品便得賜緋今陸暢  
前任秘書丞已是登朝五品即頗與格文相當又職事脩  
舉合當甄獎臣先已有狀未蒙允許今輒敢再具論奏伏  
望天恩特賜章服

文苑英華卷第六百三十九

終

文苑英華卷第六百四十

狀十三

進貢上

朝覲遇節進物狀一首

賀五進物狀五首

端午進物狀十二首

賀冬進物狀六首

進打獵口味狀一首

朝覲遇節進奉狀

鄭絀

右臣伏以古者諸侯入覲必奉贄幣或以車馬或以珪璋  
用展誠敬著於典禮臣繆領藩鎮獲覲闕庭幸遇昌辰又  
當嘉節用增聖壽以表微誠前件馬及器物謹差嶺南節  
度押衙某隨狀奉進至微至薄無任慙惶伏願如日之昇  
如天之福垂莫大之慶保無疆之休於萬億年永康四海

臣不勝懇款之至

元日進馬并鞍轡狀二首

為人作

令狐楚

右臣伏以元日開歲東風發春人神大和天地交泰伏惟  
皇帝陛下鴻猷更始寶祚惟新協三朝之會同受萬國之  
歸慶臣某職當分闡屬忝維城未聳翼於丹青空馳心於  
皇極前件馬并鞍轡驅馳有度彫鏤初成願將行地之功  
以奉如山之壽干煩宸嚴伏增戰汗

二

右臣伏以五始混成歲為元吉四時分理春實發生伏以  
陛下嗣帝鴻名受天成命百神降福願等於山河萬國歸  
仁思陳其玉帛臣限從戎役闕奉朝行又及新年皆成覆



仁思陳其玉帛臣限從戎役闕奉朝行又及新年皆成覆  
賀每瞻初日如奉聖明前件鞍馬等稍似馴良竝非淫巧  
冀充庭實用達邊情干冒陳獻伏增戰越

賀正進物狀

裴次元

右臣伏以青陽發春肇寶曆於茲始玄穹降祚仰聖壽而  
惟新正殿嚮明班行承慶顧臣等守土列在東隅空懷捧  
日之心望雲何及獨闕稱觴之禮鳴佩無因瞻九重而在  
天空倍情而增戀前件物及衫段宣臺卓座等禮不憚輕  
物斯一作朝展敬即當有慶川中致貢之誠情苟爲珍願比  
負暄之獻臣某不勝感恩抃躍屏營之至

代李令公進歲節口味一十事狀 于公具

右伏以獻歲首春元辰備饗內饗具品則有常珍野食擊

鮮恐資

一作源

兼味臣昨以軍中無事畧獵出城既臨戎虜

之邊且試偏裨之藝縱橫必中豈謝麗龜俯仰無遺寧夏

即鹿或堪上獻輒露衷誠前件物等謹狀奉進庶裨仙筮

用愧野芹無任惶懼

一作棟

之至

為榮陽公進賀正銀狀

李商隱

伏以運當聖日筮在王春近則入金門而排玉堂歡於上

壽遠則梯重山而浮漲海務以獻琛臣受國恩深守藩地

阻明珠大貝南異於百蠻翠羽犀皮北殊於三楚前件銀

出非大冷貨在中金敢以元正式陳方賄望闕憶銀臺之

峻尚隔

集作阻

仙僚瞻天仰銀

集作河

漢之流莫階霄露馳心

獻祝因物達誠干冒宸嚴不任兢越

端午進馬狀

千公異

右伏以律應蕤賓節臨端午徵彼風俗盛陳續壽之義爰  
念人臣敢闕致誠之禮况朝廷敘位海內來王咸因贄幣  
之資用表肅恭之節臣叨承恩顧獲守邊郵朝不及於良  
辰禮竊憑於外物輒以前件馬并鞍等進奉殊慙駿驥微  
露衷誠願承端午之祥長居得一之位不勝區區之極

同前

裴次元

右臣伏以律應蕤賓日惟端午訖於四海皆馳必獻之珍  
節彼南山咸祝無疆之壽臣職叨藩服守在遐方貢菲禮  
以展誠卑微旣懼傾葵心而向日捧戴何因情空愧於遼  
東戀益深於闕下臣某不勝感恩戰灼屏營之極

同前四首

王仲周

右伏以楚俗遺風素傳角黍野人之志每願獻芹上件衣服裁製實昧於上國針縷多慙於天造懇誠所至庶備祝堯謹遣某官隨狀進奉

二

右伏以垂衣聖代角黍良辰述職之誠願有所獻器用非寶寧備下陳之儀縑帛至微庶同長命之縷前件銀器花紗等謹遣某官隨狀奉進

三

右臣伏以千年昌運屬在聖朝五日佳辰方臨仲月臣謬司垣翰不獲稱慶闕庭對東海竊慕於朝宗望南山輒思

前件銀器花紗等謹遣某官隨狀奉進

司垣翰不獲稱慶闕庭對東海竊慕於朝宗均望南山  
恭上壽前件銀器花紗等謹遣某官隨狀奉進

四

右伏以聖壽千年不假封人之祝嘉辰五日用申臣子之  
誠前件器物紗絹等不敢法外徵科皆積軍中餘羨遠塵  
旒宸伏用兢惶謹差某官隨狀奉進

端午進鞍馬等狀三首

令狐楚

右臣伏以五若天之成數夏者天之仁時伏以陛下用仁  
時而長養群生舉成數而陶甄品物是以百蠻委瑞萬國  
歸誠同瞻日月之光共奉乾坤之壽臣方從邊役未在周  
行謬宣力於清朝竊馳心於令節前件馬等柔馴既久彫  
鑠初成敢因五日之良以續千年之慶干冒陳獻伏用兢

惶

二

右伏以月旅蕤賓節惟端午天人効祉朝野交歡伏惟陛下宸極尊嚴大明光耀擁純陽之元吉保眉壽之康寧風俗旣和人倫以厚前件鞍馬器物等彫鑄始就服習初成輒因五日之良以續千秋之慶千冒宸宸伏增戰越

三

右伏以月惟仲夏時屬純陽當五日之良辰慶千年之聖壽華夷脩貢走玉帛於寰中朝野飛歡均金石於天上臣方從戎役夙奉皇慈願竭微誠慙無遠物前件鞍馬等久令馴致稱以柔良千冒宸嚴伏增戰越

又進銀器物并行鞋等狀

前人

右伏以月惟正陽日次南午千官拜稱觴之慶萬國陳執

珪之禮將以嗣續聖壽延洪昌期

一作昌  
延洪期

蓋朝廷之舊儀

乃臣子之常事前件銀器等或便於用正當其時慙經萬里之遙願獻九天之上塵黷宸鑒無任戰懼

為滎陽公赴桂州在道進賀端午銀狀 李商隱

右臣伏以

集作  
聞

搢丕圖而御物必相見於離推小正以辯

時則盛德在夏故著為令節稽以舊章通脩任土之宜仰續後天之壽臣方乘傳置未至藩維前件銀已及中途實從前政拜章獻祝雖令尹以告新納賚展儀欲長府之仍舊謹以前觀察使楊漢公封印進上千春屬慶億載儲休

繫以藩條闕覲丹墀之下徵諸貨志且媿白金爲中干冒  
宸嚴無任兢越

爲安平公赴充海在道進賀端午馬狀 前人

右伏以浴蘭令節採艾嘉辰百辟合祝於堯年萬方宜脩  
於禹貢臣方夙駕之部馳傳出關欲獻琛而未識土儀願  
祝壽而已悲日遠前件馬伏櫪斯久着鞭亦多粗覺柔馴  
未嘗逾逸雖非龍孫驥子邈一舉以絕塵願陪月駟雲螭  
慶千斯集作斯於扈蹕干冒宸嚴無任兢惕之至

賀冬進物狀

裴次元

右伏以履長之慶咸歡比日之休率土之賓皆祝如山之  
壽况臣早叅近侍出鎮遐藩望闕旣遙瞻天積戀手舞足



雖既不及於九流任土展誠空用馳於一馱輕瀆旒宸戰  
越惟深前件女口及紫袍段銀疊子等謹遣某官隨狀奉  
進

賀冬至進馬鞍弓劔香囊等狀二首 令狐楚

右臣伏以建子實三微之宗黃鍾爲六律之本冬氣方至  
璧星正中伏惟皇帝陛下統馭天正發生嚳數壽等南山  
之固萬姓具瞻恩均東海之波百川皆赴臣某限從外役  
叨奉殊私秉戎律以輸誠望宸居而積戀前件鞍馬等非  
追風照地之駿麗無切玉穿札之堅強用媿含香名慙承  
露輒備祝堯之禮願申朝禹之心干冒宸嚴無任戰越

二

右伏以四海無外三冬正中伏以陛下大明燭幽鴻化御  
極居玄堂而布政登觀臺以視朔受萬國之慶擁百神之  
休臣守在邊陲職司戎旅朝天之路由限於山川向日之  
心增勤於草木前件物等皆生其地竝考於工願奉如山  
之壽敢修任土之貢干冒陳獻伏增戰越

又進鞍馬器械等狀

前人

右伏以迎日良辰書雲令節始生一陽之數首出三統之  
正華裔交歡天人同慶臣某名班將帥守在封疆阻羅拜  
於彤墀空注誠於紫闕一作闕前件鞍馬器械等雖無犀利  
稍似馴良恭陳遠路之心願備廣庭之實干冒宸宸伏增  
戰越謹遣某官隨狀奉進

又進銀器唾盂等狀

右件銀物等非有可觀其無所直以其方圓不礙斟挹酒  
漿潔白自特宜承咳唾敢因長日願獻上天干冒宸嚴無  
任戰越

為滎陽公進賀冬銀等

二字集作銀乳白身狀

李商隱

右伏以黃鍾應候白琯舒和近訪晉儀禮同元日遐觀鼎

史事重朔朝伏惟皇帝陛下與天同休如日之盛將融漢

道兼舉周正臣方駕廉車闕種毒酒心懸土炭空循

集作思

太史之書身遠江湖徒積子午之經苟無納燼曷慶履長

前件銀等稟和於天地之鑪擢粹於神仙之府豈為方賄

且自地征對三品之金庶陪白璧撰

集作

一丸之藥請映

玄霜私白身等雖長在遐鄉而生知望闕比從訓示堪備  
指呼冀因物以達誠竊先時而効祝七百年之下願過成  
州八千歲爲春敢徵蒙叟干冒陳進兢越無任

進打獵口味狀

于邵

右伏以平野未春寒山餘雪陛下俯令畋獵遙借寵靈豐  
狐難脫於重窠狡兔莫遺於三窟觀同將帥藝角偏裨况  
節號嘉平時兼蜡祭承威稟命恩已貸於戎臣登俎充庭  
味宜先於君上雖八珍豐衍六禽填盛輒傾誠於金鼎庶  
慕義於野芹前件品味謹隨狀進

文苑英華卷第六百四十一

狀十四

進貢中

降誕日進物狀十五首

進農書狀一首

進碑文狀二首

進詩狀一首

進新舊文十卷狀一首

進畫馬屏風狀一首

進東封圖狀一首

進西北邊圖經狀一首

進哀冊文狀二首

降誕日進光明砂等狀二首  
呂頌

右臣伏以大電遶樞千年感聖神光照室六合歸尊恭惟  
降誕之辰是啓乾坤之祚普天稱慶率土同歡仰舜日而  
徘徊望堯雲而忭躍前件光明砂等金丹上品著在仙經

願因一作延不朽之姿求固長生之壽

二

右臣伏以上玄降聖之時皇帝出震之日天垂景耀遠北  
斗以呈祥人竭歡心願南山而為壽前件光明砂丹石等  
管内所出服餌所尚生依山谷誠有驗於仙方貢自蠻夷  
幸得充於御府臣藩守有限不獲稱慶闕庭

降誕日進物狀

裴次元

右臣伏以搖光之祥貫月於佳夕遶樞之感降聖於良辰  
歡浹寰瀛慶延寶祚百靈効祉固增壽於南山萬國一心  
寶貴珍於北闕臣謬膺庶問分鎮甌閩當朝案之稱觴身  
君遠望長安而瞻日戀積心魂前件女口及銀器衣箱

等稽禹貢之文敢遵任土比野芥疑作芹之獻空願竭心

因此而展誠豈以菲而廢禮輕瀆旒袞殞越伏深

降誕日進馬及織成紅綿地衣狀 于邵

看臣伏以今月十九日陛下降誕之辰萬國駿奔二儀交

奉玉帛方陳於闕下慶抃實匝於寰中臣謬荷殊恩思登

壽域伏以馬則雄姿未織此句疑誠謝於權竒織成乃異於

柔箱宜或存於煥爛懿茲致遠之用宜秉含章之資憑物

遵疑誠感恩祝聖所獻雖慙於萬國均情實邁於等夷臣

不勝懇悃之至

為京兆李尹降誕日進衣狀 劉禹錫

衣一副四事 云右伏以德水方清真龍下降天長地久

瞻北極而常尊獻壽稱觴配南山之集作而集作求固臣地叨集作

居宗屬職忝尹京慶賀之誠倍萬常品前件衣服謹詣銀

臺門奉進輕瀆旒宸伏用兢惕集作

降誕日進銀器物及零陵香等狀 令狐楚

右伏以千年元命之符四月正陽之氣出震吉日繼乾良

辰黃河再清冠中古之表德恒星不見掩西方之誕聖前

件器物或堅白無玷或馨香有聞敢同率土之心以續如

天之壽千冒宸宸伏增戰越

降誕日進鞍馬等狀四首 前人

右臣伏以繞樞之電曾委瑞於軒皇照室之光昔呈祥於

漢后伏惟皇帝陛下貴從天下明在日中當四月之正陽



漢后伏惟皇帝陛下貴從天下明在日中當四月之正陽  
聖千年之聖運人神叶慶朝野同歡臣任重戎旃路遙天  
闕懽呼萬歲如聞山嶽之聲傾竭一心庶均葵藿之志前  
拜馬等誠非珍異頗似柔馴干冒宸嚴伏增戰越

二

若伏以月惟首夏氣叶正陽一人慶誕之辰萬國樂康之  
日臣某屬連枝葉守在邊陲視河水之旣清知冬松之盛  
益一作茂前件馬弁鞍轡等安其馴教考以精誠敢緣九族  
之恩願續萬年之壽干冒宸嚴無任戰越

三

右臣伏以太電繞樞之辰普天咸慶神光照室之夜匝地  
同歡臣限守邊陲未朝雲闕尚想河清之色如聞里社之

聲前件馬鞍等又似柔馴皆經考教任土作貢慙述職於  
微臣如日之昇願並明於聖主干冒陳獻伏增戰越

四

右臣伏以里社旣鳴斗樞爰電誕生元聖允叶純陽實萬  
國同歡之時而千齡兆慶之日臣某限從邊後違奉天茲  
飲河每挹於清瀾向闕遙瞻於紫氣前件鞍馬等駿非金  
骨麗乏錦韉慙無照地之光願獻呼嵩一作之壽干冒陳  
獻伏增戰越

降誕日爲楊大夫奏修功德并進馬狀 前人

右臣伏以居至道之尊其唯元命助無疆之柝亦在勝因  
是以千年爲慶誕之期百福有莊嚴之義伏惟皇帝陛下

以文武道爲天人師降生於純陽之月續承千大寶之位  
勤社而四天奔走流懽而萬國謳歌臣某職在鑒司土無  
跡異恨無以拜上玄之慶酬厚載之仁敢伏普通轉修經  
戒仰申誠懇以就有爲之功上爲聖神庶資無量之壽其  
馬久令教習頗似柔馴願承內廐之恩以備屬車之駕干  
冒塵瀆不任戰汗之至

降誕日進器物狀四首

王仲周

石伏以執氣牧人運歸聖德天臨日照慶集嘉辰瞻太極  
之肇分仰濛汜之初浴歡忻感戴踴躍屏營臣限守方隅  
不獲稱賀上件銀器等隨伏奉進

卷之二

右伏以紫氣充庭黃河變色用符昌運式表誕彌雖聖壽  
齊天不假封人之祝而獻芹爲禮空馳野老之誠上件銀  
器綿錦綾綺等謹遣某官隨狀奉進

三

右伏以厥日誕祥惟天降聖歡連率土慶集茲辰前件器  
物雖竭愚誠欲申上獻顧惟簡薄難備下陳伏以陛下勤  
恤爲心慈儉成德是用恭行聖旨爲禮不寶遠物爲珍臣  
限以跼守遐藩不獲申慶天闕竊同織草長傾向日之誠  
願北封人遠獻如山之壽無任戀慕歡躍之至

四

右伏以四月孟夏千午聖期社鳴表祥河清叶慶臣於是

日限守列藩不獲望南山以獻觴聞擊石以率舞屏營  
慕不知所裁上件品物等謹遣某官隨狀奉獻

進農書狀

柳宗元

農書三卷

右伏奉某月日制

集作勅

宜以二月一日為中和

節所司進農書永為恒式者臣伏以平秩東作虞書立制  
儼載南畝周雅垂文此皆奉天時以授人盡地利而豐食  
自陛下惟新令節益勸農功既立典於可傳每陳書而作  
則耕鑿之力敷帝力於嘉謨稼穡之艱動天心於睿覽集  
鑿勤勞率下超邁古先凡在率土不勝幸甚前件農書謹  
函封進謹奏

進田弘正碑文狀

元稹

田弘正魏博德政碑文右前件碑文伏蒙御札朱書遣臣  
撰述恩生望外事出宸衷銘鏤骨肌難酬雨露

臣伏以陛下所以令臣與弘正立碑蓋欲遣魏博及鎮州  
將吏等並知弘正首懷忠義以致功勲臣若苟務文章廣  
徵經典非惟將吏不會亦恐弘正未詳雖臨四達之衢難  
掩萬人之口臣所以効馬遷史體叙事直書約李斯碑文  
勒銘稱制使弘正見銘而戒逸將吏觀叙而愛心不隱實  
功不爲溢美文雖朴野事頗彰明伏乞天慈特畱宸鑒其  
碑文謹隨狀封進謹具奏聞伏聽勅旨

進幽州紀聖功碑文狀

李德裕

奉宣令臣撰述者伏以北狄悍勇於四夷前代聖王莫能

伏伏昨昨著著廻廻鵲鵲雖雖乘乘危危感感勢勢已已內內侵侵豺豺狼狼之之師師尚尚餘餘十十萬

陛下陛下神神武武雄雄斷斷智智出出無無方方震震天天威威以以霆霆聲聲碎碎獯獯戍戍而而无无解

武功武功盛盛烈烈高高視視百百王王豈豈比比周周穆穆犬犬戎戎之之征征荒荒服服不不至至漢漢武

馬馬邑邑之之詐詐群群帥帥無無功功將將垂垂耿耿光光宜宜命命鴻鴻筆筆臣臣學學慚慚集作荒

淺淺又又病病衰衰羸羸集作紀紀軒軒后后之之功功徒徒知知竭竭思思叙叙唐唐堯堯之之德德終

愧愧難難名名採採其其功功狀狀稍稍似似撫撫實實今今已已撰撰訖訖謹謹連連進進上上輕輕瀆瀆宸

嚴嚴集作不不任任惶惶越越謹謹錄錄奏奏聞

進詩狀

元稹

臣某雜詩十卷右臣面奉聖旨令臣寫錄一雜詩進來者伏

惟皇帝陛下學深江海文動星辰乙夜觀書秋風賦詠微

臣入院之始學士等盛傳陛下親批賀雨一章體備鸞鳳

思深集作含珠玉臣雖不得目覩宸翰臣實竊得心念聖言

既仰燭龍之光難逞聚螢之照欲為陳獻益自慚惶况臣

九歲學詩少經貧賤十年謫官備極恓惶凡所為文多因

感激故自古風詩至今樂府稍存寄興頗近謳謠雖無作

者或風粗中道人之採自律詩一百韻至於兩韻七言或

因朋友戲投或因悲歡集作或以悲傷自遣既無六義皆出一時

詞旨繁蕪倍增慚恐今謹隨狀陳進集作進呈無任戰汗屏營

之至

進新舊文十卷狀

李德裕

四月二十三日奉宣令臣進來者伏以楊雄云童子雕蟲

篆刻壯夫不為臣往在弱齡即好詞賦情性集作情性所作藁



老不意屬吏職歲深文業多廢意之所感時乃成章豈謂  
擊壤庸音謬入帝堯之聽巴渝末曲一猥蒙漢祖之知跼蹐  
慙惶神魂飛越謹錄新舊文十卷進上輕瀆宸嚴無任兢  
惕

代李尚書進畫馬屏風狀

李翱 集無

右臣近得前件馬樣以其圖寫諸家稍殊試爲短屏備以  
文彩觀其體閑色浮氣逸神駿練影吳浦指山川而不搖  
花攢上林若雨露之新洗或屈膝千里或長鳴九霄昔以  
負圖爲寶今願捍蔽成功形影不殊効用何別謹裁成十  
二扇隨狀奉進若以時從啓閉猶足靖於埃塵儻將用以  
驅馳庶可效其筋力輒敢輕冒戰懼伏深

爲裴相公進東封圖狀

劉禹錫 見集本

集賢殿御書院開元東封圖一面右臣謹按開元十三年  
玄宗皇帝以天下太平登封東岳聲名文物振耀古今伏  
惟陛下丕承耿光再闡鴻業祖宗盛事紹復有期臣所以  
寫成此圖輒敢上獻至於繪畫躬自指撝徵史氏之文纂  
禮容之要山川氣象悉擬真形羽衛威儀咸稽故實所冀  
睿情一覽遐想玄蹤臣叨榮過深抱疾已久望陛下告成  
之日心必前知嗟老臣將謝之年身恐不見疲羸之際感  
激倍深前件圖差某官乙謹詣光順門奉進謹奏

進西北邊圖經狀

元稹

京西京北圖經四卷右臣今月二日進京西北圖一面山

川險易細大無遺猶慮幅尺高低閱覽有煩於睿鑒屋壁  
施設俯仰頗勞於聖躬尋於古今圖籍之中纂撰京西京  
北圖經共成四卷所冀裒席之上歌枕而郡邑可觀遊幸  
之時倚馬而山川盡在又太和公主下嫁伏恐聖慮念其  
道遠臣今具錄天德城已北至迴鶻衙帳已來食宿井泉  
附於圖經之內并別寫一本與圖經序謹同封進其圖四  
卷隨狀進呈

進憲宗哀冊文狀

令狐楚

右奉勅令臣撰者臣今撰了謹連如後竊以揚先帝無疆  
之德薦陛下罔極之恩宜擇能者永垂不朽聖意以臣備  
位相府策名文場忘其庸虛賜以撰述頃自哀迷重疊心


緒摧落雖磨鉛雕朽已竭其精誠捧日窺天難窮其高遠  
干月封進無任悲躍屏營之至

進貞懿皇后哀冊文狀

常袞

右奉進旨令臣撰詞訖謹隨狀封進伏以纂述坤儀弘宣  
聖悼禮有追冊文以叙哀前代以來舊章不易屬詞之重  
高選文臣晉之恭后則王彪之顏延年咸製其詞哀華者  
稱至貞觀中文德皇后遷座特詔虞世南撰述編於文館  
永播徽音此二臣者皆以鴻藻奮於一時用能紀皇壺之  
風煥青史之簡臣才學甚淺典策非工承詔兢悚匪惶夙  
夜伏自循省叨竊至深陛下徃命貴妃追封殊號冊謚之  
令皆臣奉行德範察明多所遺闕浪思鄙薄于今愧赧况

又獲承慈旨重紀芳猷雖竭庸虛慚無麗藻屬文明天下  
參士盈朝顧其式瞻何以昭示冒嚴上獻益用兢惶無任  
戰懼之至



文苑英華卷第六百四十一

入於... 六才五五

...

...

...

...

...

...

...

...

...

...

...

御書

天苑英華卷第六百四十二

狀十五

進貢下

進金花銀櫻桃籠等狀一首

進白蕉狀一首

進婆羅樹枝狀一首

進古銅器狀一首

進金盞并甕子狀一首

進瓷器狀一首

進馬狀一首

進異馬駒狀一首

進自兔狀二首

進鷹狀三首

進雙鷄狀一首

進白雀狀一首

進金花銀櫻桃籠等狀

令狐楚

右伏以首夏清和含桃香熟每聞採擷須有提携以其鮮

紅宜此潔白前件銀籠并煎茶具慶等羨餘舊物銷鍊新  
成願承薦寢之羞敢効梯山之獻其通犀璫瑁上藥等買  
並依價採皆及時誠非珍竒恐要聚蓄勤奉舟欵不敢不  
進

進白蕉狀

前人

右伏以半夏欲生正陽初王將勝時熱在新其衣前件白  
蕉先時織成依價市得光雖讓雪踈不礙風願充當暑之  
服爰申任土之貢干冒宸聰無任戰汗

進娑羅樹枝狀

張謂

本所管四鎮境天竺山壓枝

一作  
柢

園國有拔汗那最為密

近乃

一作  
木

有娑羅樹特稱竒絕不庇允草不棲惡禽聳幹



無情於松柏

一作

成陰不愧於桃李但以生非得地譽絕

因人榮枯長在於異方委棄不聞於中土陛下高視三代  
橫制四夷威信浹於君長仁惠沾於草木前件樹枝臣去  
載已進訖臣伏以允遵播殖貴以滋多今屬陽和之時願  
助生成之德近差官於拔汗那計會又採前件樹枝二百  
莖並堪進奉如得託根長樂摧穎建章布葉垂柯隣一作  
非月中之丹桂連枝接影對天上之白榆於物無遺在人  
知感謹差軍將李滄押領赴京

賀衢州進古銅器狀

張九齡

右伏見衢州所進瑞魚銘等神物環竒形製純古魚爲龍  
象既章受命之元銘作龜文更表錫年之永河圖舊事無

以加之臣升集作替休明屢承福應恭惟拜慶倍百恒情  
伏望宣付史館傳之不朽無任喜躍之至

進貢扶風縣平地穿得金盞二枚并甕子一枚狀

于公異

右臣得所由狀送前件物至臣所者輒令瑩拭非是常珍  
宜在昇聞輒敢上獻陰陽造化神妙潛功群生既偶於昌  
期靈貺豈私於聖德伏惟皇帝陛下化通玄默躬贊昇平  
神功所以服不庭大孝所以尊清廟故夫惟儲慶雲物表  
瑞於非煙地不韜珍寶玉騰光於內府陛下方弘至道爰  
紀殊祥仰聖德而彌高在天心而難讓至如此寶安敢無  
言觀其形製標奇非一時之物精輝旁射逾百鍊之珍臣

輒比擬他金光芒獨映求之故事未或前聞表孝通誠羨  
已彰於盈缶徵神錄異慶常美於化鈞况其賦質堅剛銷  
形盡學膺大雅獻酬之用告太平歡樂之符時佇休明潛  
躍久同於瓦礫道合交泰成器堪佐於樽壘况因封管而  
生似表微衷而獲儻從殊貨是更褒揚必取類於金堅至  
遂成於家寶期於銘刻傳在子孫長承聖主之恩使効微  
臣之節

代人進甕器狀

柳宗元

甕器若  
干事

右件甕器等並藝精埏埴制合規模稟至德之陶  
蒸自無苦窳合太和以融結克保堅貞且無瓦釜之鳴是  
稱土礪之德器慚瑚璉貢異器丹旣尚質而爲先宜當無

而有用謹遣某官某乙隨狀奉進謹奏

進馬狀

元禎

同州防禦使供進烏馬一疋八歲堪打毬及獵右臣竊聞

道路相傳車駕欲躔遊幸温湯未知虛實者臣職居守土

侍從無由

集作因

羨魏闕之埃塵猶隨日御恨新豐之鷄犬

亦聽車音目斷魂消形留神往幸又得進奏官狀知河中

華州京兆府並於昭應排比進獻臣當州素乏所出無以

粗展丹誠臣既別受恩私又不合獨無壤莫伏以前件馬

北方正色東道竒蹤調習多時備諳材力

集作色

解擊毬者

每嘉其環回斗轉動可

集作必

愜心善獵射者皆歎其度蹙

踰溝走不換足欲隨正至獻賀竊慮群衆混同徘徊顧瞻

贊銘斯久今者宸遊近甸地降靈泉施展是時戢藏何益  
伏望陛下揚鞭頓轡取驗其馴良結尾絡頭試觀其神彩  
臣某深恩未報愚志空存自慚駕鈍之姿莫展驅馳之効  
捫心戀主因馬喻身輕冒天威無任戰汗其馬謹隨狀進  
謹進

進異馬駒狀

令狐楚

者臣得征馬使穆材狀謹具毛色如前者臣伏以行地之  
用莫神於馬擅華名者則衆効竒質者甚稀伏惟陛下廣  
大際天高明配日殊祥競發休杜荐臻前件馬稟天駟之  
精體坤元之德毛拳惟細鬣赤而高尾掉肉而蜿蠶額帶  
星而倜儻臣謹差虞侯辛峻專往覆視俱如前列峻云雙

瞳有耀四蹄如削宛然天產定是龍媒允協建午之辰光  
昭太一之貺臣見今就太原府養調旬月稍任行步即專  
陳獻謹差某官聞奏

為太原李說尚書進白兔狀

前篇作表非

前人

貞元十二年

右臣得嵐州刺史趙挺六月二十九日狀稱嵐州合河縣  
太平鄉大慶村收獲前件白兔差行官李希林送到者臣  
謹按瑞應圖曰白兔壽千年蒲伍百則色白又曰王者恩  
加耆老則白兔見臣伏以白為正色兔實仁獸來皆有為  
前篇作應出必以時伏惟陛下聖壽無疆神功不宰是故太陰  
精魄降以為瑞皓質玉立素毛霜垂清明不讓於殷狼皎  
潔可齊於周鹿况村為大慶鄉號太平無為而成不索而

獲協亮符之一氣彰皇德於千齡雖標中瑞之科實應太

廟之曲

前篇  
作典

臣忝守藩

前篇  
作方

鎮觀茲休祥無任忭躍歡慶

之至

此篇六百十二卷表門重出前已割去

同前

前人

右貞元十二年六月嵐州刺史於州界太平鄉獲白兔一

隻臣已并圖進獻死

一作  
斃

於中路惜其誕生靈質不達明

遲誠意所求禎祥存至今又得狀宜芳縣孝義鄉百姓王

貞收得前件白兔送到者臣謹按瑞應圖云王者仁及鳥

獸則白兔見臣伏以兔之為獸斃校者多獸之有毛羸雜

者衆臣觀前件兔皓然養素恬爾守柔處群萃以自殊抱

貞明而不汙皎如疊雪燦若凝霜克生孝義之鄉實表中  
和之化伏惟皇帝陛下恩覃動物澤及毛群方弘三面之  
仁果應千齡之瑞若非上天慈惠下土清平則安得四年  
之中再見其地信可以摘皇上之懿德薦臣子之明誠昭  
彰可徵盼矍如荅臣覩茲潔朗宛在封疆踴躍欣歡實陪  
恒品謹遣某官并圖隨狀奉進

爲易定張令公進鷹籠狀

鄭綱

右件鷹臣去秋來頻令入草一一揀擇皆有所能試其搏  
擊下韜必中伏以上囿五方固多殊異之選下土一物實  
表臣子之誠敢望備羽獵於長楊從蒐狩於天仗輕瀆  
表無任屏營之至



進白鷹狀

張謂

蒼臣管内大小鷹娑羅山採得前件鷹簡擇並堪進奉特  
稟異氣挺生殊姿頭圓頂平臆潤脰短丹目時轉志凌雲  
霄花毛始齊色靜霜雪旣拔音而賞異實超等而殊倫但  
四鎮川原千里砂磧草木旣少禽獸亦稀礪志疑瓜距謂  
其羽翮徒有願於擊搏竟無階於効用今寒風凜冽殺氣  
嚴凝萬乘時巡六龍冬狩出樊籠之地登校獵之場必能  
隨人指蹤驅御苑之狐兔順時行令逐禁林之鳥雀物性  
有適天心所知

進異鷹狀

今狐楚

右臣所管採捕得前件鷹兩翅齊肩雙翎對懣雖非神俊

稍似瑰竒以臣微誠輒敢陳獻風霜之後儻或得用於三  
驅鳥雀之中魯冀成名於一擲干冒宸宸無任戰越

同州進雙鷄等狀

元禎

同州防禦使供進鳥鵲并雙鷄共四聯右臣當州元和中  
五年奉宣令採雙鷄五聯各重四斤頻年採取一聯不獲  
自臣到州詢問採捕人等皆云二十年前採得一聯雙鷄  
爾後不復採得昨旬日之內併獲兩聯斤兩輕重稍符詔  
旨况浚郊物啓旣已大剪豺狼鷲鳥員來可以助清梟鏡  
臣所以恨身無羽翼不獲陪奉屬車擒狡兔之根源破狐  
狸集作妖狐之群黨臣某無任忘軀思奮覩物感恩之至謹遣  
官某乙隨狀奉進謹進

為政事進白雀狀

蘇頌

有巢於黃門外雀過官廳事丹睥瑩微明若流珠嘉毳鮮  
華光如蘊玉臣等謹按瑞應圖白雀主鐵券陰之精也不  
來則國無俊嗣伏以清宮踐位慶重離於上天黃閣會巢  
屬五瑞於明日固以事優御符聲高作頌臣等叨陪近侍  
喜萬恒情無任抃躍之至

似...

鳥...

同...

州...

年...

萬...

萬...

本...

華...

蘇...

文苑英華卷第六百四十二

蕭





浙江圖書館藏  
一九九九年一月






浙江圖書館善本

甲 登記號:022438

一九 年 月 日







文苑英華  
第六十五册



Blue  
 Cyan  
 Green  
 Yellow  
 Red  
 Magenta  
 White  
 3/Color  
 Black

TIPPEN® Color Control Patches  
 © The Tiffen Company, 2007

Centimetres  
 1 2 3 4 5 6 7 8 9 10 11 12 13 14 15 16 17 18 19 20

Inches  
 1 2 3 4 5 6 7 8

